

四明談助目錄

第十六本東正脈二

卷三十七

東正脈附錄東四明自鎮亭山至它山古蹟提綱

鎮亭山述四明山志曹志 棲霞嶺附記水陸通達道路

三折嶺附記嶺上景象并分水道路 北溪附巡檢署故址

躊躇嶺三望山錄四明山志并附嶺路景象

梅樹孔鬼叫坑俱附山居風景

屏風巖錄四明山志并沈嘉則遊記附新按

仗錫山錄四明山志并王陽明僧傳慧沈嘉則三公詩

仗錫寺述敬止錄并仗錫寺志附新記錄烏春草碑銘 戴

四明談助 卷三

目一

帥初僧行正詩又錄締造師修已并逸事 怡雲法平并

陸放翁詩 橘洲寶曇 住持釋平 野翁炳同 住持

元中諸傳又記寶傘峯 千佛閣 寒翠亭 西嶺 過

雲巖 石橋 龍池 六龍泉 三峽 再來石 佛手

巖 中峯巖諸勝節錄沈嘉則遊記二段 余漢臣跋四

明遊記一段

舒嘯橋百步階嶺俱錄僧趙岳詩 絕頂錄戴斐君詩

風動巖 藤公溪 皂莢塢述仗錫寺志錄戴帥初詩

太白塔述仗錫寺志錄余漢城遊記

黃侍御山寨節錄神道碑附汪參軍涵傳

指如嶺抱頭嶺遲疑嶺錄徐悔廬記 鬪頭巖述仗錫寺志



大巖坑小巖坑俱仗錫寺志

石鑊巖 進風巖 堰巖俱余漢城遊記

箭厂茅鑊附新按錄徐悔廬遊記 杜畧附新按

馮督師守杜畧錄鮎埼亭集墓誌并句餘土音馮侍郎乞師

馮貞婦拒劫二詩採春酒堂集浮光杯記又馮貞婦事

東王公山寨錄鮎埼亭集墓志并句餘土音王侍御出妻詩

大皎嶺錄張覃湖詩 簞溪述四明山志錄句餘土音詩

莊太常宅錄莊太常元辰傳并檄附王記室傳句音土音詩

小張軍同日死寨錄鮎埼亭集張侍御哀詞

蜜巖山石室 蜜鯨魚述四明山志錄句餘土音詩

陳尚書冥菴錄尚書顯 祭酒伸 尚書德剛御史著諸傳

四明談助 卷三

空相寺述聞志 後街採兼山堂集記宋扈駕鄭公墓

天井山述成化志錄許廣大詩記龍見二事并萬季野詩

天井寺述聞志附新按錄周承奉洙記

灌頂山述寶慶志聞志 定光寺灌頂寺俱述聞志

峒山述成化志 彰聖寺述寶慶志聞志錄祖銘七古詩

周綠莊詩 沈嘉則虎食佛詩 附記山行路境

銀山述聞志附新按 銀山院述聞志 止墩述李志

安吏部寓居採清容居士集鮎埼亭集句餘土音詩

菱湖山附新按 椅子畧附新按 薛家畧李家畧附新按

鵜鳩山述四明山志附新按錄張武子詩

禪巖山述嘉靖志附新按 禪巖寺述聞志錄張東沙楊伯



翼二詩

黃官嶺述聞志附新按 木阜山述聞志附新按

呂山人舊居錄山人時傳并舊居詩二首 貓頭橋附新按

清秀山述成化志四明山志附新按 鎮蟒塔附新按

王家匯山記崇巖壁立景象 巖菴淡菴記巖居寂靜景象

佛跡菴述聞志錄張忱徐志泰二詩 馬陵背附新按

卷三十八

它山脈附錄東四明自它山至南郊古跡提綱

廻沙閘錄寶慶志林元晉記并聞志 小江湖強堰錄全謝

山記

它山錄四明山志附別解 它山堰錄它山水利脩覽 記

四明談助

卷三

目三

前後修堰事實附僧元亮應爛樓攻媿魏吉州萬仲章諸

詩

梅梁錄寶慶志記異 鮎埼亭集梅梁銘

遺德廟錄乾道圖經 成化志 水利脩覽 錢志并萬季

野詞

雲濤觀述延祐志敬止錄附新按

洪水灣錄至正續志附新議又句餘土音小江湖古跡詩

烏山附新按 普和寺述聞志附新按 楊伯翼王次仲詩

北巖述延祐志附新按又記頻伽鳥錄楊伯翼小山別業詩

蘭浦堰述至正續志 敬止錄

光溪述聞志附新按 小溪巡檢司記沈嘉則光溪詩并註



又楊伯翼林栩菴詩 張氏懷德堂記 萬季野竹枝詞

三首

馬湖述聞志 賀秘監故宅述聞志 附新按錄 賀秘監知章

傳并傳後論 又錄 唐元宗御製詩 李翰林白應制詩

高隱學敬止錄記三則

桓溪全氏舊居錄 結埼亭集碑記 全氏世譜畧

沙渚鵲巢全氏錄 結埼亭集記 勾餘土音全氏古跡詩

宣家廡宣氏附新按 烏金硯述聞志 錄 魏吉州記

呂山人寓句章里附新按 錄 山人移居詩并風土詩五首

積瀆硯 風堀硯述聞志 附新按節錄 舒信道改正記

狗頸塘述聞志 附新按 翻石渡述郡志 南塘路附新按

四明談助 卷三

眺江橋附新按 北渡述 寶慶志敬止錄錄 唐許丁卯詩

孫氏心遠軒錄 楊文懿公記 陳大理宅錄 贈公玉綸 大

理紫芝傳

常樂寺述聞志 敬止錄錄 沈嘉則詩 法華泉述聞志 綠

雨溪錄 沈嘉則詩

楊司諫宅述聞志 錄 司諫煒知縣大名傳 又宋寧宗題扁記

瑞光樓述嘉靖志 附新按錄 聞志琵琶記辨萬季野竹枝詞

櫟社沈氏述 族望表 鄞獻表附新按 錄 櫟社長明臣傳并傳

後論 又逸事二則 里居詩四首 名公輓詩二首

內翰坊 曲轅坊述聞志 錄 中書應奇 布政九疇 太僕

光文諸傳



爐頭堰述聞志錄沈蛟門詩

行春碶述聞志錄萬季野竹枝詞附新按

舟宿渡述嘉靖志錢志附新按

四明談助

卷美

目五



四明談助卷三十七

四明之脉自太平山來東北行結府治并作府治朝案者俱稱西四明已詳于上茲再錄東四明自鎮亭山來經棲霞嶺三折嶺躊躇嶺後起仗錫山并天井灌頂密巖峒山銀山茭湖木阜清秀諸山出它山者如左

鎮亭山

南自天台西連四明漢地理志注鄞有鎮亭山西界于越南界于天台故其鄉曰天台是也有石井其潭類釜巖壁二十餘仞飛瀑如練有石門洞亦名天師洞唐葉天師講度人經有麗眉藜杖者日至詰之鎮亭山龍王也時值久旱天師屬其為計是夕平地忽涌清渠其靈驗若此有龍窩石龍所經

四明談助

卷三十七

由嘗顯迹象

四明山志

在奉化西南一百里山極高盤結數十里

中有龍湫又名石井潭

曹志

棲霞嶺

東達奉化縣西鄉董村亭下等處西達嵎縣東鄉唐田畝等處水兩分東經栖霞坑北行至三折嶺下轉東經大小晦山前出亭下西合唐田諸水轉北經北溪歸仗錫寺右洞橋東行四十里出大皎

三折嶺

在栖霞之北其水東出董村達亭下西出北溪經仗錫達大皎自趾至顛約十里嶺路隨山勢曲突石磴繚繞上極青冥凡三折始至絕頂前望多高下田畝梨洲山如積翠濃秀闌





于外回望來處羣山累累疊下或俯或仰直前挺走丹山圖  
詠所稱其山南面如驅羊形容畢肖下嶺路不及上嶺之三  
稍北卽北溪

北溪

戴帥初四明山十絕句統見第一卷

其源起于鎮亭北山合唐田栖霞三折躊躇諸嶺之水會于  
北溪溪上聚居皆盧姓道後之盧自此出舊有仗錫巡檢并  
汎官署在溪南沙堤平曠喬木森森遺基尚在居人多在溪  
北有大橋跨水作兩洞上覆以屋憑欄俯視溪流滑笏頽疊  
而去臨流百餘家隱映烟霞花竹間一物外佳境也

躊躇嶺 三望山

四明談助

卷五

在徐鳧巖之北贊寧筭譜引木元虛四明山記云雪竇山北  
巖生石乳其峯非人可升有毛竹銀筍詳其毛竹自生毛筍  
若銀筍卽銀鑛如筍然池州山穴曾有懸囚下窺至百餘尋  
後見洞明煥遂手攀之得三數莖疑是此耶或云毛竹筍白  
如銀未詳四明山志自三折嶺南來至此起三望山最高一望無  
際山脉東行者爲雪竇大小晦諸山北行者爲天井灌頂出  
鄞江諸山北而稍西爲仗錫山再西則界以大溪爲大兪石  
窻西四明諸山矣嶺路盤曲十餘里層巖錯立灌木蕭森間  
有懸崖老屋門對急湍望若仙居水之西行者爲南溪有南  
溪廟復從梅樹孔鬼呌坑繞而北爲北溪嶺東水皆趨徐鳧  
巖叢薄中白波疊下不若北溪之濼洄也



梅樹孔

從南溪上嶺西行路遠屋上俯視人烟攢聚雞犬鳴吠皆路下昔仗錫禪師嘗卓錫處下嶺卽鬼叫坑矣

鬼叫坑

屏風巖之東地勢漸下竹木陰森人烟斷絕從躊躇嶺進仗錫必由之路坑上山土人稱爲雷瀑陣山中不見有瀑惟視所來衆山頂皆如海波疊浪西日反照時實大佳

屏風巖

有方石高十丈濶一丈危舉道旁磨厓刻四明山心四大字乃漢隸也謂之屏風巖或訛其聲爲騫鳳北去一里許爲仗

錫寺

四明山志

四明談助

卷三

三

沈嘉則遊記云飯罷風不濟起策筇出寺門有古松一東南行復東折循山麓半里所方石圭立道旁曰屏風巖高丈五六四面稱是東面鐫四明山心四隸每字大二尺許志謂出漢人手誠然非後代人所能辦也南面有慶豐字風暴甚不能久留山顛亦有怪石不能上回寺中

嘉慶丙子四月曾至其處見所謂屏風巖者如兩扇圍屏搖開而直豎也巖高三四丈闊丈餘其形方而高後埋土中前有兩幅縫合痕若僧帽然故土人亦稱和尚帽漢隸鐫于左幅爲石蘚所蝕右幅字漶滅不可辨出寺門南行巖在東山之麓則字當面西矣沈記云巖高丈五六東面鐫字恐是落筆之誤



仗錫山

山有五峯稱芙蓉峯仗錫在五峯之中唐僧紀一作長飛錫至

此故名仗錫四明山志

王陽明仗錫道中詩

山鳥懽呼欲問名  
山花含笑似相迎  
風迴碧樹秋聲早  
雨過丹巖夕照明  
雪嶺插天開玉帳  
雲溪環碧抱金城  
懸燈夜宿茆堂靜  
洞鶴林僧相對清

每逢佳處問山名  
風景依稀過眼生  
歸霧忽連千嶂暝  
夕陽偏放一溪晴  
晚投巖寺依雲宿  
靜愛楓林送雨聲  
雨久披衣還起坐  
不禁風月照人清

僧傳慧四明山心詩

四明談助

卷五

四

寂歷游仙處  
塵寰斷霞九溪流  
雪水八月綻桃花  
茅栗圓于彈霜梨  
大似瓜雲南與雲北  
依舊作隣家

沈嘉則仗錫山詩

躡屐度青巒  
千盤復萬盤  
嶂迴藏寺小  
地迴見天寬  
水自雲中落  
峯常雪裡看  
境于人境絕  
六月陡增寒

仗錫禪寺

唐龍紀元年石霜下長政二僧肇基  
天祐三年吳越王賜金額  
逮宋之天聖四年紀禪師修已自  
太白山來主寺事人奉之為第一  
代祖寶元二年勅名仗錫延勝院  
傳五十二代至无末困于徭役  
僧徒散亡有仁讓者起而興復起  
予繼之求慈谿烏斯道補撰碑記

敬止錄

明洪武十五年詔定天下寺額



而本寺始名仗錫寺永樂三年佛殿燬至宣德六年重建郡守鄭珞爲記正德間廢有僧文綱與徒德滋相與興復大司成戴洵爲記

朱餘古仗錫寺志

據寶慶志常住向有田五百五十六畝山三萬二千畝元明以來屢敗屢興至本朝乾隆間舊產被頑僧花廢殆盡嘉慶初始稍稍興復丙子四月遊其地見殿左新建客堂祖堂禪堂齋堂二十餘楹窗戶洞達器物俱極華美詢之遊伴則住持達山所爲也達山于舊產不盡復而獨留心于梵舍以爲產業易致頑僧花廢而梵舍可世守所見亦是佛閣在左而寮房厨灶俱在右另闢一門題曰塵飛不到版聯題曰指揮如意天花落坐臥閒房春艸深筆勢

四明談助

卷三

五

超脫欸字莫辨恐是國初時隱于僧者所書

鳥春草紀績碑銘

古之逃空虛必靈境奧區擇而居焉至山水之氣闕而弗洩神呵鬼禁不能迹而見者尤爲佛氏所揣若仗錫禪寺是已其地南去郡治可二百里山深入萬壑中蛇盤斗折而上重巒疊巘峭峻際天勝槩絕世至峯頂頂圩而爽塏可廬羣流散飛灌木層翠晴必沾潤暑必挾續雖樵者靡常至四際又有峯二百八十有一回合起伏雲霞蔽虧內七峰尤瑰異郡諸山咸莫之抗唐龍紀元年有石霜下長政二尊宿在藤湖肇基于此寺建徒集天祐二年吳王錢氏賜金額十傳迨宋之天聖太白已禪師由天童飛錫而至上栗薦羞猛虎馴伏



學者景從寺以增觀其徒以師德隆名重足以開先裕後又尊之爲第一代祖師寶元二年額加延勝繼茲席者類多碩德雲栖霧食燈傳香衍東南之望刹也歷歲滋久寺或毀或復傳五十二代遭時孔艱窘于徭役費如邱山貲產垂罄僧日竄匿寺日摧毀至仁讓公負荷法任殫心瘁容保守先業于紀綱糜爛之後甫七歲珠還璧合今住山起予公又力纘遺緒篤揚前休托章蟾書走永新請于予予謂自佛法入中國法有阻行寺有興廢莫有常者茲仗錫寺將絕而復振雖諸祖之願力深重亦讓予二公之力也以世間相論之寺有興有廢以正法眼觀之寺未嘗有興廢也然不有世間相何以明正法眼哉自茲以往凡主是山者鑑往懲來使是寺益

以永久得以大宏講席則其功德又豈忝于諸祖也耶寺之棟宇七田與夫山所入之利具刻諸碑陰繫以銘曰

東南之山惟明爲盛惟明之山仗錫爲勝高設于天闕司于神其在元古豫侯哲人哲人伊誰張于佛氏藤湖之長太白之已有廓其趾有歸其廬建業之始倡道之初名聞雷厲學徒雲集繼諸席者代踰五十匪山之靈胡底于成匪祖之聖胡底于寧元運之末根柢幾絕讓予者出式茂其藁以隆于淑斯永其傳克懋于後斯昭于先伐鼓考鐘環居列食心祖之心庶幾朝夕有章有程有聲有輝俾四方士于焉是歸戴帥初仗錫寺詩

仙艸漫漫路不分鐘魚那許外聞聞涼天九月已飛雪晴日



西山猶帶雲火後客誇新屋樣兵前僧識舊碑文  
藤湖只在招提頂見說澎田可種芸

梵池

沈嘉則有梵池詩疑卽萬工池詩人易其名耳伏錫寺志

僧行正萬工池詩

昔日萬工方鑿就于今工倍反成田可憐滄海桑田句只在人心不在天

締造祖師修已

舊傳修已初與浮山遠公游嘗卓菴廬山佛手巖後至四明山心獨居十餘載虎豹爲隣嘗曰羊腸鳥道無人到寂寞雲中一箇僧其後道俗風聞而至遂成禪林按天童修已爲

四明談助

卷七

七

谷隱聰之法嗣宋天聖間人經始于龍紀者自是僧長政懸隔異代寧波志乃牽合爲一失其實矣四明山志

修已鬪土充糧

流傳修已建寺之時鬪土以充乏匱其後寺僧皆于修已諱日鳴鼓集衆展鉢食土以爲故事永樂中古春蘭送元中趣住仗錫詩云香土美如饅卽此事也四明山志

怡雲野人法平

法平字元衡嘉禾人初受度卽叅妙喜爲書記居天童時號平書記事見天童本傳後受請居象山延壽院復自廬山移仗錫號

怡雲野人嘗以偈呈史忠定忠定酬之有云白鷺栖烟一點明皎然壓倒語全清莫言後代無人繼仗錫行將擅此名山



陰陸放翁尤重之 敬止錄

陸放翁寄怡雲詩

放翁久矣無此客闖戶兒童皆動色寒泉不食人渴死素練  
銀瓶我心惻千金易得一士難晚塗淹泊眼愈寒豈知一旦  
乃見子傑語豪筆無僧酸門前清溪天作底細細風吹縠紋  
起倚闌一笑誰得知愛子數詩如此水江湖安得常相從浩  
歌相蹋臥短篷功名渠自有人了留我鏡中雙頰紅

又寄怡雲

東華軟塵飛撲帽黃金絡馬人看好渠儂胸中誰得知畏禍  
憂讒髯先老舉世輸與平元衡青山白雲過一生出門曳杖  
便千里白雲不約常同行長安歸來雪役屢劇談未竟還東

四明談助

卷三

八

去到山分我一片雲併遣春風吹好句

橘洲師寶曇

寶曇字少雲蜀嘉定人許氏幼從鄉先生受五經習章句已  
而棄家南從大惠於育王徑山又從東林已菴蔣山應菴後  
住四明仗錫山歸蜀葬親又來明史忠定深敬之築橘洲使  
居焉有橘洲集十卷行叢林文章簡古高妙有前輩風自謂  
於第一義諦心有得人謂我以文詞名是未知我者慶元三

年四月二十日辭世 敬止錄

住持僧崇堅

崇堅嗣法自得暉淳熙間曾主仗錫

釋平住仗錫



樓攻媿有答平老詩云老我平生不願餘歸來但欲賦同居  
灌園自足供朝膳且奉夫人御板輿

俱四明山志

僧野翁炳同

炳同字野翁新昌張氏嗣法大川濟宋亡之日避迹仗錫十  
二年出補華藏三載復還仗錫扁其室曰晚泊閉戶書法華  
經有老來非厭客靜裡欲書經之句一時遺老家則堂文本  
心黃東發舒闥風周伯弼咸與之遊

四明山志

住持僧元中

元中趣永樂中住仗錫古春蘭送之詩云仗錫千峯頂高居  
絕世緣細泉甘勝蜜香土美如饅鹿過花臺雨鳥啼蘿徑烟  
永明無別旨萬象自談元

四明談助

卷三

九

興復創造名賢輩出如山紀而後則有長政長政而後大歇  
謙禪師野翁同禪師崇堅本自得之嗣淨惠爲月堂之子法  
座禪燈無非古德雲堂覺院亦坐名賢

仗錫寺志

仗錫寺內外諸勝

寶傘峯

僧行正詩四山盡拱空王殿寶傘峯宜踞上流不待展開翻  
有意任他雨露下闍浮

千佛閣

在絕頂峯下因名其巖爲千佛巖可知千佛之名其來久矣

仗錫寺志

寒翠亭



在包裹巖裡今圯

仗錫寺志

又有佛隱堂五菴五廟今不知所在

### 西嶺 過雲巖

石橋跨澗巨石數仞出其上刻曰過雲蓋自仗錫至雪竇數十里皆謂之過雲不止謝遺塵所言二十里雲也西嶺乃雲南之始雲北之終故鐫于此

四明山志

又云寺內方池昔之龍池也稍東爲西嶺仗錫寺志云巖上刻過雲二字在洗藥溪南

沈嘉則過雲巖詩

縹緲路常封時時春氣濃看衣疑帶雨到寺只聞鐘不見高秋月難捫白日峰探虛吾欲老來往藉孤筇徐學詩遊仗錫寺

四明談助

卷五

十

### 石橋

游興年來不憚高芒鞋踏樹復攀條危梁架壑泉如瀑古木號風秋未凋往處姓名惟爾汝隨身行李只簞瓢此行小試登山脚欲向羅浮訪鐵橋

### 龍池

白雲深護萬峯尖礧壑陰森不受炎靈沼苔荒留古剎清泉竹溜映疎簾千年神物歸何地此日僧家覩近檐俯首淵然空悵望因知龍躍亦能潛

六龍泉 三峽 再來石 佛手巖 中峯巖

巨石塞澗高數仞瀑分六道而下明戴愚齋洵名之曰六龍泉巨石三級級高數十尺刻曰三峽又有巨石數仞一隙可



通往來上題刻大字曰再來石小字則心經也宋天聖四年僧修已自太白山主寺事嘗悟前生誦心經此石下俗呼爲小四窻山頂有佛手巖中峰巖俱有刻字漈滅不可讀其曰中峯者五峯相次謂之芙蓉仗錫在五峯之中也四明山志中峯二篆之下刻有字字各三寸許此石之西有再來石三字字大尺餘其下又有三昧二字旁有開慶已未夏題款識佛手巖在寺右其高莫測相傳修已禪師入定處巖上有刻文云心經者非成式蓮和尚洗出有香蓋綠水青山等字四窻在中峯巖之西北青菴搜洗而得之昔人以四明山石窻爲四窻不知何因而刻于此或石窻與四窻自有不同耳伏錫寺志

再來石在寺右從厨房後上竹山漸行漸高先于叢竹中

四明談助

卷三

十一

俯其頂再從叢竹中下山山勢峻削無徑可覓下聞溪水潺潺至其處若舊有階級然其石高數丈一大一小大者正立小者若旁侍然巨刃劈此截然偉觀再來石三字尚可辨小字則漈滅矣嘉慶丙子四月一廬姓友前導遊其處同遊者竺惠風王叙三欲覓佛手巖中峯巖以雨不果

沈嘉則四明山遊記

節錄遊仗錫二段

由錯愕而東十里又度一大溪溪卽南繞者復折而北問之亦云出它山溪上陟又嶺行殆未十里日沒矣是日蒸熱若長夏天朗朗霽忽陰雲一縷起日下卽大風震蕩山谷響應若雷霆怒擊雲湧出南走頃刻暮六合黑如靛野燒出山頂狀若列缺光閃閃爍人亦一奇觀輿疾走首不及數回咫尺



不辨人馬輿人懼奔逸趣投仗錫寺雨閣不下僅入門雨大  
澗人皆云龍起耳明旦人從谷口來者云江海覆舟以十數  
溺死者如之俱山中人操舩舫出定海筏工耳暮入寺時三  
四僧出迎客雨中然枯竹風簌簌在樹萬竅怒號竹光死堂  
戶皆震動酒數行雨罷乃罷宿遷公房旦日陰復風旋作雪  
旋止僧云天陰卽雨雪不問冬夏也蓋計平原至此萬三千  
丈云此下一段已錄屏風巖下午後風濟復策筇出寺門西行洞石作橋  
寺前田百餘畝瀦諸澗水澎澎出橋下兩山夾而走岬如也  
溪斗絕率一里許率二三里許懸水數十尺潺潺下爲級者  
三最上者爲洗藥溪一級鑄三峽字二級鑄潺湲洞字三級  
不鑄字鑄字在南麓之三石曰過雲巖巖下溪橫一巨石如

四明談助

卷三

十一

梁梁上坐可十人蓋過雲字雖鑄此此徑路窄仄無二十里  
又南北鮮居人當非雲中前所謂大闌者無疑矣僧云雲時  
人到此腰以上出雲上腰以下沒雲下耳僧曉僧榮侍遊陳  
果核梁上酒三醕還三峽北山之椒有片石突起刻中峯字  
如斗大篆下刻經語楷徑寸蘚蝕不可讀云下有再來石榛  
莽盛不可尋復拔崖上稍西復有片石突起石背中穿仰睇  
天見一線劃一石刻四窻字楷大小如中峯旁有款僅開慶  
字可識餘亦蘚蝕會日暮還寺中以下遊石窻記已見前

余漢城寅跋沈嘉則四明山遊記云得再來石之次日同遊  
者曰沈嘉則記云中峯字下刻經語楷書徑寸蘚蝕不可讀  
今所見青山綠水等字其言不符曷不再往以覈其實復拉



伴登焉是時風日清美無微不燭至中峯字下又捫得三昧  
字又有會不會又有無相師無訓誨也等字中峯之東一巖  
矗起廣不過四尺高二丈石分四層如人疊就者第三層題  
曰訶佛字徑六寸一人搜得之羣聚而歡笑焉復見一巖壁  
刻四窻二字字大與訶佛等前坡寬平約丈餘橫倍之有級  
可登疑爲前人嬉遊之地竹木森鬱藤蘿蔓延假刀鎌一開  
生面左有石竇深二丈許高八九尺止容一人出入竇盡處  
如戶俯視溪谷幾數十丈左顧則與寺中殿宇平右顧則百  
步階嶺上如十數歲小兒蟻行其下不覺夕陽在山青紫萬  
狀客有藏果餌于懷者取食之惟以不得水飲爲微憾耳勾  
章將再來石欵識移至四窻下且再來石只在中峯之旁何

四明談助

卷三

十三

言不可尋揆其故或以耳聞代目見故耳

舒嘯橋

卽寺西洞橋趙岳詩云彭澤何曾到此遊莫將名跡占林邱  
于今橋上誰舒嘯山自高兮水自流

百步階嶺

從寺西入大俞村首經此趙岳詩云誰知皮陸題詩後百步  
丹梯引我登但有潺湲聲可聽不妨長作此山僧

此在洞橋之西已屬西四明凡嶺西諸勝俱詳前卷

戴愚齋再來石詩

見說三生夙有靈再來太白尚留名往還自得阿羅果安忍  
祇憑般若經百劫屢更真不壞一塵靜洗絕無生年年獨向



巖中聽恍忽如聞禮誦聲

僧超然四窻詩

石竇爲窻一綫開  
賺人遊屐陟層臺  
摩挲壁上千年字  
莫是山靈待我來

絕頂

在寺背山上名爲絕頂其高莫測遠望見郡城及浮屠凡往來名公無不作絕頂詩者獨勾章遊記不言絕頂甚哉遊不可促不可不同土人遊也司成戴愚齋再遊仗錫作四明辯謂石窻非四明虛冒其名耳此峯最中極高四望通徹如一可稱爲四明因有登仗錫千佛巖絕頂詩讀司成集遂知有千佛巖千佛閣今僧不識不言其泯沒者多矣後吏部公斐

四明談助

卷五

十四

君司成公宗人也因得聞所未聞遂有登過雲絕頂詩又邀黃周二公同入過雲遍尋幽窈所吟字琢句險足傳不朽

寺志

戴斐君澳登過雲絕頂得頂字詩

雲容高更肥峯色近初醒  
日脚在徐鳧漸破四山暝  
地迢真氣動天近雲光炯  
衆壑盡呈曉羣岫皆見頂  
石窻定何處晴嵐沒丹鼎  
深巖閉人家絕嶂疊綠町  
水石相幽賞竹樹互援拯  
人世畔援情雲中君不肯

又盛夏邀黃元龍周長卿入過雲莊遍尋幽窈分韻得呬字  
遙遙入雲中日日與雲狎  
雙澗雲頂來千峯更斗插  
世熱無由親虛清似可呬  
搜奇屐欲穿選勝指還摺  
當行得陰巧暫



舍值雨恰大壑臨危峰奔泉瀉絕峽黃梅漲赤水瀑布徐鳧  
甲

風動巖

在寺左其巖劃劃豁重重疊疊望之幽窈如深數十丈其  
聲砢衝磴磔或云風洞巖巖下即三峽仗錫寺志

藤公溪

在寺前其水入于三峽洗藥溪在三峽之下仗錫寺志

皂莢塢 潺湲洞

西嶺之下為皂莢塢以漢劉綱得名然綱之昇仙在大闌山  
未必當年故處也西嶺內有石刻潺湲洞三字潺湲洞即今  
之白水宮此為妄刻四明山志潺湲洞之上則三峽其下則洗藥

四明談助

卷五

五

溪飛泉從潺湲洞三字兩旁分下與浪港溪潺廣溪二水相  
通入它山沙港口進郡城南水關至日月湖而止見之邑志  
與戴剡源詩或云劉樊于此師事白君所刻為謝遺塵筆不  
知潺湲則有之洞則未之有也餘姚志僅言在四明山而無  
所據仗錫寺志

戴帥初莽廣溪詩

怪石驚湍吼不休時時巖客飲寒牛誰知此水明州去浸作  
琉璃萬頃秋

太白塔

太白塔向來以為太白祖塔而天童宏覺禪師著義興祖塔  
銘其序中有云四明山有仗錫寺傍有太白塔院世人相傳



謂義興祖塔及考郡志仗錫建于唐龍紀元年由天童紀禪師仗錫于茲故得今名則太白塔實紀塔非義興祖塔無疑矣攷寶慶志于桃花坑下有太白禪師納交于竺隱君之語余思義興在晉而不在唐相距百餘年所稱太白決非義興當別有一太白今塔中像下伏二虎靈顯常指動則虎現要亦神物之所爲歟

仗錫寺志

余漢臣遊記云居仗錫月餘辭主人南出便途禮太白禪師塔禪師號山紀唐龍紀元年自天童飛錫至此所置寺產以四溪爲界能伏虎使寺界內無虎患偶見亦不傷人千餘年來夜行不忌寺內塔上像前皆有虎侍側不過土木形骸無知者或摩弄虎便現形虔禱則仍屏迹亦足奇也又十五里至徐鳧巖溪內山骨赤如丹砂者里許陸詩云雲南更有溪丹礫盡無泥者是也

### 黃侍御山寨

順治乙酉 大兵取杭州浙東奉魯王監國餘姚黃公宗羲糾合黃竹浦子弟數百人隨孫公嘉績熊公汝霖諸軍屯于江上江上人呼之曰世忠營授監察御史兼監軍後孫公嘉績以所部火攻營卒盡付公公與同官王公正中合軍得三千人江上潰公遽歸入四明山結寨自固餘兵願從者尚五百餘人公駐軍仗錫寺微服潛出欲訪監國消息爲扈從計戒部下善與山民相結部下不能盡遵節制山民畏禍潛焚其寨部將汪涵茅瀚死之公無所歸于是姚江跡捕檄累下



公以子弟走入剡中

節謝山撰  
神道碑語

附汪茅二公傳

汪參軍涵字叔度居奉化之晦溪因以爲號少學于侍御黃公宗羲慷慨喜言兵法時中原鼎沸累欲棄諸生從戎至是遂參軍事已而歸安茅瀚飛卿以浙西諸公之使來叔度與談兵大喜茅氏自鹿門止生以後皆好兵事飛卿益甚侍御留之使與叔度共事丙戌之夏姚江督師孫公嘉績熊公汝霖皆不復能軍以其殘卒付之侍御黃公黃公因與同官王公正中合軍料簡士伍尚及三千欲渡海取鹽官駐兵潭山浙西烽火響應其時總統列將者奉化汪叔度也無何浙東失守監國由江入海潭山之師踉蹌而歸沿途爲大兵及降

四明談助

卷五

七

卒所梗塞侍御乃諭軍士不願從者任所之尚得親兵五百叔度爲前導重趼間行得達四明山中駐仗錫寺侍御再三伸戒以山民皆貧不可就之求糧一日侍御偶出部下糧絕不得已取之于山民于是山民以語邏卒導之焚寨夜半火起寨中倉皇出鬪皆徒手死者十九叔度從烈焰中殺數人已得出歎曰所圖不遂命也不死且自取辱還鬪而死飛卿亦歿于圍中叔度之死也腰間有軍符故其家得求其屍而

合之

結崎亭集

指如嶺

跑頭嶺

疑遲嶺

從仗錫東行轉北出化龍莊過華桃橫猶見衆山頂出沒足下相向及下指如嶺尋下跑頭嶺始猶及大蘭平岡至嶺下



衆峯側出不復辨矣再下疑遲嶺三嶺皆新斲石然猶陡峻  
屈盤危俯如蛇相尾赴壑而下可五六里自仗錫來水皆隨  
而行蓋下東四明出它山者所在俯視喬木仰聆大壑嶺旣  
盡乃涉一大溪近箭厂矣

徐梅廬  
遊記

### 鬪頭巖

巖高數十丈兩崖卓立中隔八九尺相傳人不言一躍卽過  
龍潛其下旱潦所禱無不立應

仗錫  
寺志

### 大巖坑

去寺二十里有石厂高二丈下有龍淵縱橫各二丈旱禱輒  
應古木幽巖對之使人怖畏潭口二石卽門頭巖也淵際石  
坡光澤潔膩里許別有湫卽石鑊潭矣

### 四明談助

### 卷五

六

### 小巖坑

別一幽境不類塵寰非異人不宅其地此處一石高四尺橫  
四尺正面冰裂碎紋可玩有樹倚之而生如有意點綴者一  
奇也溪中有石橫亘如闕長百餘步奔流入闕如翻玉練擊  
金鼓喧闐不絕一奇也異藤一幹直立路旁高可二百尺杪  
始附木蒼黝挺特不知經幾何風霜矣又一奇也去此歷一  
階石長五六丈橫攔溪面逆上二十餘步有石壁約二十餘  
丈其上如屏其下有屏座如琢就者再二里有龍湫湫前  
一石如案是龍常與箕宿爲緣亦一奇也小巖坑事事皆奇  
得蓮隱青庵一朝洗發奇始爲天下後世所知矣以上俱仗

### 錫寺志



石鑊潭 進風巖 堰巖

自門頭巖沿流里餘有潭形圓面廣三四丈名曰石鑊又六七里曰進風巖白山頂起脉數石峯秀拔峻峭鴈齒相綴傍俱有穴伏翼之所栖息此路便通箭厂矣次又得堰巖寺西北十里大溪下巖高二丈廣四五丈紋如大小方石砌成阻水似堰憑高瀉浪素練皎然俗神其說謂築它山堰時神龍送石餘石積此狀實奇或云此地卽鹿亭也

余漢城遊記

箭厂 茅鑊

箭厂茅鑊從杜畧進仗錫必由之路上下厂通計二三十里溪北爲八囊山蘆棲坑等處

下疑遲嶺乃涉大溪至箭厂厂多怪石水從石中過如吐復

四明談助

卷五

五

涉溪乃造厂最高處危峻益甚前卽茅鑊俯下仰高無不目眩頭暈者過籓崎嶇水盛始稍可通籓也至盤甕峽望遠復上高嶺過蜂洞巖俯溪水亦多可駭及清潭乃與水平復稍上至開口巖望見前途漸就下乃踞石極飲逸情遠上至崩巖漩詳其狀水旋而石泐也至此已低平然石罅中出一豫章木可合抱上與巖齊亦一奇入杜畧居民盡徐姓問其初祖不知也時已近晚乃趨過連山嶺入下厂遂過蘆栖口蘆棲坑所從出也至元壇嶺望大皎晚烟起矣箭厂之險絕勝較之出小皎由錯愕嶺者應各據一奇觀也

徐悔廬遊記

杜畧

畧中多徐姓自大皎至杜畧十里尚可通舟再西則舟不能



上矣

馮督師合軍守杜壘

前督師馮侍郎京第字躋仲號篔簹溪浙之慈谿人也馮氏于谿上門第推第一公之曾祖莊軒先生受業王文成公之門講學以靜坐爲養心所造邃密公少負高才下筆數千言諸父都御史元颺兵部尚書元颺世所稱大小馮君者東林之巨子也公內承諸父之教出則師事鼓山漳浦兩先生退而與復社諸名公上下其議論日兀兀性命之旨都御史撫津門有祥子嶺却敵功公豫其勞毅宗錄之尚未用而北都陷南都奄禍大作公不復入南中乃遊于閩而南都又陷閩人奉唐王稱制公上中興恢復十二論召對忼慨聲徹殿陛思

四明談助

卷五

二十

文大其才授職方主事已而改監察都御史按浙東至而浙東陷閩亦隨亡公集慈水諸大俠將起兵而爲大兵所捕乃跳身入翁洲翁洲爲威虜侯黃斌卿所守浙東之未入版圖者也是時大兵雖定江南而吳中豪杰出沒太湖皆以翁洲爲外援故兵部尚書陳公子龍輩說松江提督吳勝兆來歸而以帛書告翁洲欲得一軍應之斌卿意不欲往富平將軍張名振與公善公勸之行乃刻期以往至崇明颺風覆舟公等皆被執中途得逃歸翁洲而松江以失期事洩俱被戮斌卿本志在自守而名振之軍盡喪公鬱鬱無可計事者乃至日本乞師初日本之議發于平夷侯周鶴芝鶴芝少時往來日本與撒斯瑪王善日本三十六島國王而下一島各



有一王而國王以大將軍當國總制各島撒斯瑪于諸島中  
最強與大將軍相首尾鶴芝以水軍都督副斌卿守翁洲因  
遣人請于撒斯瑪王得乞師于大將軍已許之矣于是公願  
得身往日本以成要約斌卿乃使其弟孝卿副公以往至長  
琦不聽登陸公于舟中朝服且拜且哭凡十有餘日不分旦  
暮日本之人初見而笑已而泣已而旁皇不能去會國王遣  
人巡境見之取公血書以去撒斯瑪王聞長琦王之拒公也  
曰中國喪亂我不能援而使其臣哭于吾境不亦恥乎是當  
援之乃言之于大將軍議發各島罪人以應公先還留孝卿  
以俟命孝卿假商船留長琦長琦多官妓皆居大宅無壁絡  
以綾縵分爲私室夜則每室懸琉璃燈諸妓寨琵琶以行樂

孝卿忘其爲乞師而來者日夕酣淫見輕于其國而發師之  
意益荒但致洪武鸞眼鏡數十萬以報聘洪武錢者日本于  
明初入貢所鑄式也其後用其本國年號鑄錢遂封貯洪武  
錢于庫而不用至是以充聘幣翁洲之用洪武錢自此始公  
旣乞師不得又責讓斌卿令以奇兵西畧寧紹台三府以是  
時三府山寨兵大起可用也會鄞之董評事志寧華職方夏  
以帛書連衛李侍御長祥王職方翊而欲借翁洲之師應之  
已嘗再請于斌卿而不能得乃以告公公大喜強斌卿以師  
從蛟關入而先一日爲降紳謝三賓所告城中有脩長祥翊  
志寧俱亡去夏等死公益鬱鬱不懌乃之湖州起兵時太湖  
尚未靖公起兵于武康天目山中大擾歸安烏程諸縣而公



軍亦屢敗乃復歸四明台募溪上義從與王職方翊合軍守  
杜輿 大兵以圍練軍破之職方以四百人走天台而公匿  
山中職方以天台之援至公亦出復合軍守杜輿時戊子之  
冬也明年監國自閩中至健跳發使晉公都察院右僉都御  
史是冬有僧自日本來名湛微言于蕩胡伯阮進曰日本之  
師可得也誠得普陀山寺慈聖李太后所賜藏經爲聘兵必  
至矣時定西侯張名振當國進以告之乃連名上疏請仍召  
公爲使而以澄波將軍阮美副之日本界上之例凡他國客  
舟至必有班船來訊客之出入公告以普陀賜經爲聘乞師  
其王聞之大喜已而知湛微偕來則怒初湛微之在長崎狡  
獪多變欲自尊大急捕之以其爲中國人也乃逐之日本法

不殺中國僧有犯則逐再犯則戮及同舟湛微欲以此自結  
於日本而不得公始知爲其所誤矣美欲殺之公曰此亦中  
原之不幸也殺之何辜乃放諸荒島復載經而還蓋自鶴芝  
剗乞師之議得請而未遂公前一行誤於孝卿後一行誤於  
湛微其後鄭氏亦嘗乞師而終不能得公還復與王職方翊  
合而駐師於西山回風洞中初公以華董翻城不死之故浙  
中大吏以其事聞於是欲拘其家屬以招之既招不至將悉  
取家屬羈之京公太夫人尹氏年高夫人葉氏微言勸以自  
裁毫不可省夫人夜半起縊而死大帥又錄公子頌以脅公  
公仍不至太夫人遂陟燕以道死又得公所寄妾于他家令  
作書招公妾曰頭可斷書不可作卽作亦保公不降也公自



是每日東望臨河而泣必繼以血然自是性頗厲御下漸酷公本儒者將畧非其所長又頗以門第自重雖悍帥如斌卿名振輩皆蝨視之山寨諸洞主益蔑如也于是諸洞主幾有欲殺之者然亦以公之忠一門受禍故多原諒之亦或出而營護之以免公自喪太夫人後矢志茹素不近媵妾與士卒同甘苦每日再食惟一鹽所部有擅取人瓜壺者殺無赦寒則解衣予卒自裹片絮傲冷得一粟必與卒共之故所部憚其威而亦懷其惠居山中無定址每逢風聲鶴唳一夜屢移帳其時翁洲以彈丸之地倔強自稱故國所以得偷安者以山寨相犄角而山寨諸洞主多出伏莽輩其孤忠爲國者則王公翊王公江與公三人而已監國再加公兵部侍郎兼官

如故于是公憑依空山與二王爲首尾偕 大兵百戰頓挫大兵庚寅冬 大兵欲取翁洲以爲必洗山寨則莫敢乘吾之後十一月十一日以重兵扼大關而四出搜各寨公之麾下王昇最爲親將數月前已約降而公不知 大兵入山公已病二王亦航海以避軍鋒而公信昇言以爲無虞乃移營仗錫則公病甚入灌頂寺昇已引 大兵至十三日械見金礪公挺立不屈鞭箠雨下而罵不絕由雄從旁掠之公仆地時從公赴難者都督張元而下尚五十人明日行刑大帥畏公罵以枚銜之遇害又以刀剗其心醢之爲羹蓋報積年構兵之恨也而五十人從公者亦罵不絕乃皆銜之以死遂梟公首有大將部下一卒願得公一肩一臂食之許焉因負以



去蓋公翳桑之餓夫也卒以此肩臂招魂而葬之鄆城之北  
張元河南人也吾鄉殉難諸公雖多然未有如公之酷者顧  
叙功簿上王昇以叛其主將不忠伏誅乃知 北朝之于公  
雖殺之而未嘗不憐之公之慘死特諸帥之爲之也嗚呼公  
雖所圖不遂坐膺酷禍而有妻有子有妾有五十人從死又  
有免公遺骸之卒則亦足以報公矣公所著有浮海記自叙  
乞帥之事也有天根易有菊小正託言晉之鹿易宋之陶潛  
皆以訴其憤懣不平之意今皆存有集則散佚不全愛簞溪  
山水之秀因以自署欲隱于此而卒以兵入山中其亦天定  
之也夫葉夫人之死也投閣不死卒投纆達旦而有司捕之  
者至時方夏月暴屍七日始得入棺面目皆無恙董戶部守

四明談助

卷五

四

諭等葬之其妾之爲官所拘者亦不屈諸將多憐其義縱使  
爲尼以老其事得之于董戶部所紀而惜乎逸其姓

歸壻亭集志墓

文黃梨洲有日本乞師顛末載續耆舊集

句餘土音甬上擬薤露詞

浮光杯 馮侍郎乞師

匡山陳丞相

宜中

乞師占城君乞師不可得野死傷游魂哀哉

鄭思肖猶望占城雲更聞張樞使別自致援軍失期僅一日  
瓣香遂以淪堂堂神州地乃乞外藩存落日暗窮海海鷗亦  
聲吞志士爲國家不以成敗分成卽爲包胥否則更何論不  
見東倭使鶴立東倭門傍牆晝夜哭倭水與血渾猶存浮光  
杯二曜終不昏



詩話簞溪侍郎再乞師日本望島而哭淚盡繼之以血日  
本人見者爲之旁皇不能遽去詳見日本出師本末浮光  
杯者當時乞師之幣也

相公裾

馮貞婦拒劫

妾家夫人烈何如斷妾頭不能強妾書強妾書不能挽我相  
公裾公其休矣置妾書

詩話馮侍郎葉夫人殉最烈而其二妾更奇大帥逼令作  
書以招待郎二妾曰頭可斷書不可作卽作亦無用也

浮光杯記

春酒堂文集

故翁帥黃斌卿有浮光杯莫考所從來釐也高幾二寸面餘  
一規唇傍半米缺矣而每一注酒則珠光上浮朝紅夜白如

四明談助

卷三

五

沐日浴月焉乙酉夏予嘗捧杯敬酬者三戊子春斌卿使人  
之徐市島爲楚申胥以杯贄島主却之雖同袍不賦而餉遺  
優渥不啻百牢且輸洪武錢千萬以返未幾翁亂此杯不知  
何屬嗚呼羹出于窳無情物也亦安所感受而熠燿如此豈  
其得日月之精華厚歟夫宇宙內人物艸木何一不受恩日  
月者獨此杯耶或者晦冥昏濁之運遍於人心特留此燭火  
餘明於一器以示金鏡之未必終虧此斌卿用贄之意歟吾  
特恐翁亂後或爲愚夫悍卒所得驚其光怪反疑爲不祥而  
按劍者有之然神物之成必有呵護其去而復返可以見杯  
之靈不欲以中原之祥瑞爲屬夷之玩具耳異日當出用于  
世予將設衢尊邀世人徧酌之使飲耀含輝慶復旦焉



書馮貞婦事

慈學教諭錢塘蔣炯撰

予讀甬上耆舊集有馮侍郎京第闔門死節傳其叙葉夫人死與志異二妾之死則較詳方侍郎與王尚書翊合營杜舉也夫人悉家貲令子輸于軍割衣帳爲甲曰家不獨存宜與國矣大帥偵知之獲夫人與子赴獄侍郎教子素有法又聰敏酷肖帥欲留之母子皆不可夫人就謝中道僞如廁者入道旁舍中取足帶自縊死次日子與楊職方文瓚同死於市二妾皆廣陵人才思風發善書聞收者至自竇出行乞入山侍郎迎館於別巖戊子冬大兵破管江移攻杜舉侍郎別營奉川庚寅冬江南數省會勦兵至王尚書移軍入海島侍郎孤軍力戰士盡死山人縛二妾以獻令作書招侍郎不可

四明談助

卷三

三

曰頭可斷書不可作卽作亦無益帥欲留之皆以首觸堦乃幽之一妾賦詩曰青山深處有春秋分外冰霜不用愁一妾續之曰可是夢魂留不住飛來飛去岳陽樓卒就死未幾侍郎亦被執支解死

東王公山寨

都御史王公江字長升原籍紹興餘姚縣遷慈谿縣之葉舉浙東之僨事也監國航海同里王公翊與公結寨四明山之杜舉以爲海上聲援海上人呼之曰東西王以別之西王公主兵東王公主餉當是時浙東之師雲起由寧紹以至台處所謂山寨者相望也旣以烏合之兵復無所得餉四出劫掠居民苦之御史李公長祥在東山翰林張公煌言在平岡且



耕且屯最爲居民所安而孤弱不能成軍獨西王公招兵最盛而公喜理餉山中屯糧所收不足親往民家計其產用什一爲勸輸以忠孝感動之有額外擾民一粟者必誅又時遣人入內地結連遺老致其扉屨之助故杜魯一軍之強甲于他寨侍郎馮公京第御史張公夢錫遂合軍來守大蘭公總司三營之餉浙東列城畏之如老羸當道而胥吏不復下鄉催租于是山中之民益樂輸監國之居舟山非此一軍莫能安也庚寅 大兵決計下舟山先廓清山寨以絕其援兩軍由餘姚奉化會于大蘭而游騎分道四馳馮張二公死之西王公避入海公亦走大帥劫公太夫人以招之公乃盡薙其髮以浮屠服至杭時大帥方議勞來故國遺臣得公喜甚盛爲館帳如幕府而防閑之未幾太夫人以天年終公忽買一妾昵之甚于是夫人晨夜勃谿詬誶公乃控之吏而出之夫人亦攘臂登車歷數公隱微之過而去隣人駭焉一日公遊湖上防守者以其妾在不疑而公竟不知所往乃知向者特以術脫其妻也公旣脫攜其夫人復入海朝監國于金門張名振請爲監軍甲午引師入大江抵燕子磯望祭孝陵題詩慟哭而還乙未名振卒海師復下舟山張公煌言駐焉時有沈調倫者復起四明山中來迎公公乃赴之山中人聞公至壺漿以迎浙東大帥方以舟山爲急聞公至山寨恐復爲舟山犄角急攻之公中流矢卒公卒而舟山復破公之勤玉也初授戶部主事歷遷右副都御史公之卒也部卒竊其尸歸



葬葉舉

鮎埼亭集外編

勾餘土音擬薤露詞

暫出妻

王都御史出妻

思吾君戀吾母忠孝欲兩全何以得無負吾母歿吾妻存莫漫棄鄉里忍以落他人乃揮兼金乃御嬌女昕夕勃谿以成脫兔一旦告絕攘臂登車翩然而去賦彼道途既葬吾母又免吾妻吾其逝矣吾君之依入長江朝故陵入深山招故兵鞠躬盡瘁死而後已吾妻歸來吾骨是塵

詩話王都御史出妻一事善處人倫坡奇于趙苞徐庶姜維諸公之上詳見姚江黃氏山齋記

大皎嶺

四明談助

卷署

美

張覃湖懋賢過大皎嶺詩

已慰交親望肩輿落翠微雨晴山瀨響風定雪花飛野鳥窺樵擔沙鷗上釣磯物情多自適我也近忘機

簞溪

案此卽今之皎口由是出它山四十里皆兩山相夾爲墻似梅福四明山記曰四面形勝各有區分中通一溪曰簞溪尋其地脈當是皎口之溪謂之簞溪者故老嘗于水中見仙簞焉或曰簞溪導源于嵒縣簞山卽剡源之溪此非也四明大山志大皎水源實起于嵒縣唐田諸山後合分水嶺并仗錫杜舉諸水會于皎口小皎水出自斤嶺經鯨魚山亦會于皎口二皎之水不同源舊曾目覩魏吉洲混而爲一特據其下流言之



耳至云卽剡源之溪則更非也

句餘土音賦簞溪簞

吾鄉海席佳曾登晞髮集蒼茫太古簞橫陳太古室山翁簪

履遺呵護有神物應憐飛瀑泉不貯萇宏血慈水馮侍郎愛此溪欲投老焉

而不克

莊太常宅 在大較長沙田

莊太常元辰字起貞晚字頑菴學者稱為漢曉先生嚴氣正性不肯隨人唯阿成崇禎丁丑進士釋褐南太常博士八載不遷冷曹清望泊如也赧王卽位議選科臣總憲劉公掌科章公皆舉公為首而馬士英勢方張遣人諭意曰但一謁相公掌科必無他屬公峻拒之遂改刑部主事恤刑江南乞假

四明談助

卷五

无

旋里未數月而南都陷錢忠介公之舉事也將與王之仁西行赴江上謝三賓潛招兵于翠山衆人疑之王明經家勤謂忠介曰公等何其疎也浙東沿海皆可以舟師達壘官五代錢氏嘗由此道會黃晟之師倘彼乘風而渡北來搗巢列城且立潰矣非分兵留守不可忠介曰是無以易吾莊公者于是分兵千人屬公以四明驛為幕府公請以家勤同林明經祚隆王明經玉書林明經時躍等叅軍事忠介乃西行是役也危城岌岌賴公鎮之而三賓不敢動乃以翠山寺之衆迎魯王于天台自七月至十月鄞始戒嚴王召公入朝晉公太常寺卿兼吏科給事中上監國諸疏載于甬東正氣錄今畧見邑志是時妃父張國俊用事多由輦金授官公屢有封駁中宮力尼之卒不見聽



已而馬士英又至公言不斬士英國事必不可爲不報遂歸  
未幾大兵東下公狂走深山中朝夕野哭公故美須眉顧  
盼落落至是失其面目巾服似頭陀而又稍別一日數徙莫  
知所止山中人不復識忽有老婦識之曰子非廿四郎耶  
廿四郎者公小字也歎曰吾晦迹尚未深丁亥疽發于背勿  
藥門生林奕隆作大招之詞爲公誦之公領之者三而卒所  
著有因園集山樵篇信水亭吟公識李丈杲堂于髫年故杲  
堂力求其集而是時已不可得矣續耆傳太常莊公遺集序見  
杲堂文鈔

莊太常城守檄

蓋都省淪陷忠義憤興八陣風雲行者已爲社稷之役一城

四明談助

卷五

三

烟火居者豈無桑梓之謀塞外烽火未消慘聞六橋花柳之  
地盡染烟塵梁間燕雀可賀忍看雙湖日月之區遽流膏血  
半畝宮一廛市生長歌哭于是詎避地遂可忘情三男戶八  
口家山林川谷之間非攜眷便云得計重以叵測宜有周防  
旌旗蔽江北軍縱難飛渡綢繆貴未雨之圖弓矢戾泮衆志  
卽能成城虎豹踞在山之勢采芑興師于六月畜艾備患于  
三年是用徧告同人共圖旣濟儒服登陣以禦侮何減會稽  
之君子六千樽俎折衝而談兵奚必軒轅之邱井五八坐籌  
六出之奇佇受四明之福是文亦雪蛟林丈奕隆筆也續耆傳

王記室藥師

附莊太常後

字更生居桓溪不知其所自出或曰本湖州人也受知于山



陰王季重有雄畧出劍入琴感憤國事頗遊諸幕府思有所  
遇合而不得築室深山中曰運甓居莊太常門下士也其集  
卽季重所爲序丙戌而後不知所終僅存更生詩一卷因附

太常卷中

續音  
舊傳

莊太常女

太常有女工詩周在魚其壻也在魚中右科進士官稗將亦

頗能詩

續音  
舊傳

求故太常莊漢曉先生遺草不得

果堂詩鈔

白怡曾同哭夜分蒼茫此日立斜曛空懸鉅鹿侯生淚苦覓  
襄陽孟老文健氣昔曾干緯象藏書今定覆山雲幾時得把  
相如札斗酒重披宿草墳

四明談助

卷五

五

勾餘土音擬薤露詞

呼祝宗

莊太常祈死

鴟音來建業建業不可支更復來會稽會稽能幾時孤臣叩  
九闈灌灌早及之乃今令孤臣行歌黍離詩餘生今已矣精  
逝形亦萎如何老野婦猶能辨須眉漆身亦良苦吞炭亦良  
癡不如求速朽鼎湖有龍旂

詩話太常直節嶙峋江干事去悒悒而亡

小張軍同死山寨

六狂生之一曰張公夢錫字雲生乙酉之難六狂生謀起兵  
公以布衣入幕府授司務尋進侍御當是時左右錢忠介公  
者莫如張蒼水而侍御次之江上失守山寨大起其時先後



立營者曰馮家軍則簞溪京第也曰王家軍則篤菴翊也曰李家軍則研齋長祥也而蒼水亦軍于平岡與侍御大皎之軍相望諸營呼之曰大張軍小張軍庚寅官兵四出搜山蒼水泛海研齋亦去馮王二公相繼死散侍御軍中不過五百餘人顧以素懷恩義相依不去 大兵猝至侍御挾長矛出鬪夷傷畧相等但衆寡不敵遂死五百餘人皆死無降者其中突圍而去者三人翊日有負侍御尸葬之大皎之南麓者則前突圍而去之三人也于是諸遺民有識此三人者事定相與求其墓而立石以表之

歸奇亭集張侍御哀詞

蜜巖山 石室 蜜鯤魚

道書云上有石匣盛仙蜜會動星象然身驗之石峯竦拔懸

四明談助

卷三

三

根峻壑非葛藤連結可企故野蠶分巢其上歲久積蜜流溢潭間魚噉嚼變色採捕食之美珍常味蜜非家釀故以仙稱其潭深湛不測是名石質丹山圖咏註云內有石室藏貯神仙祕典禹時有逸士王真曾入觀之亦是嵩少虎口之亞也隔溪爲莊村有寶積寺

四明山志

句餘土音賦蜜巖蜜

空巖萬蜂巢曾爲霸王儲

何踐嘗貢甘蜜九龕于吳王

春波下新漲釀爲

仙蜜魚我亦讀萬卷未窺石質書何時來津逮渴飲瓊漿餘

冥菴陳氏

甬上族望表以本堂之述其家世則冥菴爲一望工部爲一望樞使爲一望而黃氏存吾疑之愚以袁清容集攷之則存



吾之言良然別有辨故去之但存本堂爲一望

陳尚書冥菴

在蜜巖山下戶部尚書陳顯論蔡京遭貶歸隱于此聞志

陳尚書顯字文昭以進士歷官戶部尚書政和二年蔡京復相對言復用蔡京士民失望帝怒貶知越州不赴歸隱鄞之蜜巖築冥菴以居弟顯歷任司諫亦以疏力詆蔡京謫監酒

稅成化志

陳祭酒伸尚書顯之孫歷仕國子祭酒慶元初僞學論起公七上書論之爲吏部尚書韓侂胄北伐公上書切諫出爲京湖宣撫使遂乞致仕子德剛歷官戶部侍郎理宗立遷工部尚書論濟王之冤忤史彌遠奉祠紹定六年除知福州入對

四明談助

卷三

三

帝問夾攻蔡州以復讐何如對曰在國家不可一日忘此舉恐此舉之後方勞聖慮耳帝曰時不可失也對曰時者人材資用無匱之謂陛下其有之乎帝默然成化志

陳本堂先生著字子微號本堂尚書德剛之子登寶祐四年進士相國吳潛薦其才于朝賈似道欲令出已門下使人授意公拒之出爲福寧令改嵯縣時宗室外戚居嵯者持一縣權前令悉被譴去公至風裁凜然豪貴斂迹民賴以安在嵯四年得代去民遮道乞留不得祖帳數十里至于固嶺咸淳間以監察御史知台州宋亡避兵遷徙流離困頓晚隱居奉化三石村感慨君國時時見之詩文而氣體雄深詞旨悱惻一洗晚宋之陋有本堂集九十五卷別撰歷代統記以淑子



弟年八十卒子宓亦有文名本玉集纂成化志孫經官學士徙居城

西傳見城西第下後亦居奉化

空相教寺

晉開運二年劉氏施地建名四明保安院宋太平興國間

僧仁聚建大殿治平二年賜今額紹興十一年住持靈二

重建佛殿宋僧義真重建記見敬止錄畧見聞志

後街一名後龍

鄞邑林壑之美者多在西南而它山小溪閒為最勝派小

溪而上十里許陳氏聚族于斯水接雙皎山連四明兩溪

夾流諸峯環抱地勢隱起其狀若龍故名後龍太史束初

號龍岡繼號后岡以此也兼山堂集陳太史束字約之號后岡

四明談助 卷五

官至河南提學副使世居于此後遷月湖之東後所營傳

詳新第下

建炎扈駕鄭公世忠墓

世傳鄭世忠建炎間至鄞死于王事邑人義而葬之于金

谷里陳畧後隆之原屢顯靈異開慶元年賜廟額靈顯延祐

志廟在長春門外者稱靈感其一即在後隆山金谷園之

墓前

天井山

神龍所居有五井舊志云三井誤一巖突然而出者下瞰

百仞之淵僅容側足緣蘿可行至下井之旁石皆光潔如

龍物常行久而漸熟之狀又行三里至中井又二里則上



井愈入愈險餘二井益險絕人跡罕到旱曠祈禱得金綫蜥  
蜴或蛇鱗之類自下山望之奕奕有光雨輒應每欲雨則雲  
霧先興于此山志成化宋嘉定九年賜廟顯濟有樓攻媿墓有  
天井寺丹山咏注云梅福遊此夢人謂之曰周時益昌化于  
是地其骨尚秘天井及明果獲之遂與收掩四明志

天井山之水自三望山脉北行諸派來出後街至環村平

水合流稱大溪 松嶺山後連天井山雪頭山在天井下

元邑尹許廣大遊天井山詩

攀蘿行鳥道絕壑見龍湫嵐氣千峯雨溪風六月秋冷泉移  
別井古寺隱深邱獨愛它山下梅梁積水浮

天井山龍見

四明談助

卷三

三

晦菴夫子問四明龍見事璘答云鄞縣趙公萬禱雨于天井  
山曾有龍見張左藏良臣作記云俄有光發波間如叢炬復  
紅燄飛動下見龍之首甚大不違顏咫尺大復現小復見全  
體鱗甲燦燦有光久不沒陰氣颯然見者魄喪神動四明山志採語  
類時文公高弟滕達道璘為鄞尉

明都太候穆譚纂云陸儀吉言乃父景福知寧波府日天久  
不雨聞郡之天井山有金線者能致雲雨遂往禱焉景福焚  
香致敬置一小瓮潭側見有物蜿蜒而入即攜之以歸置城  
隍中果大雨沾足景福喜甚欲親送其還而憚于遠乃命儀  
吉與郡學袁先生者偕行二人舟中觴酌既醉袁善諧謔金  
線屢為所侮儀吉亦秉醉啓瓮出金線視之細如燈心而黃



色然已殫矣儀吉笑曰龍果若是乎及抵山則已能動將至  
潭見黑雲四起潭中之魚皆跳躍似有迎意金線出瓮漸大  
如臂已而雷雨交作天昏黑登舟雷雨益甚舟幾覆二人罔  
知所措皆再拜謝罪舟始克濟

硯雲  
甲編

萬季野鄮西竹枝詞

天井山高不可攀龍藏五窟絕人寰鹿亭樊榭無多路定有  
仙人此往還

天井禪寺

舊號天井院宋建隆元年僧道凝建治平元年賜天壽額

延祐

志明洪武十五年仍名天井崇禎間燬國朝僧鏡宗重建

法堂并兩廊及五井龍神詞

曹志

寺有元加封龍神聖旨碑

金志

四明談助

卷三

三

天井寺從後街入約十里經下龜山上龜山俱平坦大路

溪水曲折左右山關鎖重重近寺連涉四溪始見山門四

溪實一溪東出後街統歸環村大溪

宋周承奉銖天壽院記

畧

四明山盤亘千里隱如疊浪而西南諸峯惟灌頂定光爲最  
高旁有瀑布瀉于兩山萬疊之間峭壁參雲足不可到其下  
有三井泓然澄深清澈見底是爲天井歲時大旱郡邑之人  
不遠百里來禱于井隨求而應歲每用豐以故此邦之人咸  
生信仰建隆初有僧道凝自福唐來愛其峯林深秀遂卓菴  
于麓捫蘿而上危磴欹欹行三里餘始至其井旱時靈響浸  
聞緇徒日衆殿堂重複長廊廣廡幾至百楹鄉人遂以天井



名之咸通中刺史李伉以祈禱累驗乃卽崇壽宮建五龍堂以答休俛郡人咸使香火有石刻在焉治平中郊祀大饗得請于朝始以天壽賜額宣和三年春予遊定光愛其山水勝絕盤桓累月見所謂天井瀑布不絕如綫而佛剎殿宇俯視于烟雲晦靄間欲一到未果也一日住持僧淨高自天井來訪予語及院之所以興與所以得名之因輒求記于予予因以山川遊覽之勝三井靈異之或并淨高之言叙次以書宣和四年九月致仕宣教郎周銖記

### 灌頂山

其山直上二十里方至頂有普淨禪院歲納學租宋有採鐵于此者後乃禁之寶慶志溪石間有鐸鍤等巖水所衝激輕重

### 四明談助

### 卷三

七

疾徐其音最肖有灌頂寺其山花錢向充儒學贍租計一萬三千七百畝聞志教授方萬里禁採鐵劊子見郡邑志

### 定光教寺

唐咸通元年建名定光院宋治平二年賜法忍額開府儀同高文虎請爲功德院明洪武間仍名定光後圯 國朝順治間受卿重建聞志

### 灌頂講寺

宋建隆二年建名頂峯菴大中祥符三年賜額普淨明洪武間改名灌頂後圯又建 國朝康熙十年德明重建聞志

### 峒山

在縣西南七十里中有蝙蝠洞又有四洞或云卽四成化志



有松行嶺志

彰聖寺

唐光啓二年建名峒山院宋初賜彰聖甲乙徒弟院踞峒山

東南衆峯環合狀若芙蓉志嘉定二年參政樓鑰請爲功

德寺賜報忠福善額元泰定四年僧柔仲剛重建古鼎師祖

銘有記明洪武初定名彰聖有霞上室入山亭志

明萬歷間鄞令楊芳廉得彰聖寺所侵學山萬三千餘畝仍

歸之學歲徵其租給貧士事見聞志名宦傳祖銘記載敬止

錄七古詩錄于後

大山長谷勢委蛇衆峯盤繞芙蓉披造化造此非偶遺天與

皇閣興仁祠碩德朗公古偈奇始唐光啓創古基歷祀數百

四明談助

卷三

天

具體微惟師仲剛拓大之列棟角立爭巍壓山欲破山力

支築田滄洲以海圍鑿崖累石雷火飛濤山浪屋不敢威道

大信有神靈持上方香飯異所炊午鉢天人同宴嬉鐘鼓考

伐日二時作立禮樂新清規碑永存者存警思

周綠莊應辰彰聖寺詩宋樓太師鑰墓道

度嶺轉通幽山扉舊額留羣峯原裏穴半寺獨支樓遂道凄

翁仲厨烟冷比邱原田今已薄國課莫旁搜

彰聖寺虎食佛

事在萬歷元年十月八日沈明臣紀以詩

天風怒夜月光殺空山凍死古寺裂繡佛年老頭顱枯虎起

食之此何說豈有土木滋味饒虎牙淋漓沃膏血嗚呼六合



內有事理莫詰賢良布滿天地間請鼓嘲隴莫饒舌

彰聖寺距環村廿里有宋樓宣獻墓道威儀尚在寺之西  
南過大楓嶺十里小楓嶺五里登煖風岡其高無比東望見  
海俯視桃城濬溪等處儘在足下盤行十里始到其地山北  
為上厂山南即上雪矣其水出秦化溪口聞諸土人云

### 銀山

昔嘗產銀今久絕下有銀山院聞志銀山之溪源自銅坑來二  
十里出桓村落平水

陳參政奏罷銀鑛

宋乾道間有獻于朝者將召冶工即禁中鍛之參知陳俊卿  
奏不務帝王之大而屑屑有司之細恐為有識所窺遂罷焉

### 四明談助

### 卷三

五

宋史

### 銀山院

在銀山之麓宋周廉彥所云前年余卜先人之藏于銀山既  
居其麓又有刹焉即此院也久而漸廢康熙三年重葺聞志院  
右山外即桓村止墩在焉

### 止墩

桓村內于平陽中突起一小山廣可四五畝高僅六七尺大  
山皆環拱其外堪輿家謂龍氣結于此故名又其土皆紫色  
亦曰紫墩志

### 安吏部舊居

安劉汴人居鄞之小溪以詩義冠多士善清言三歷秘丞郎



官嘗爲賈相客而以科名自持卒不得用清容居上集按安公官至

吏部其詩學得慶源輔氏之傳結崎亭集傳互見小溪舊居

句餘土音安吏部竹林安劉竹林在環村

詩話吏部爲廣平再傳弟子其不出于賈氏宜也清容謂

其以科第傲秋壑言之陋矣草憲誇之尤誣妄

儀同孫子秀磊落有清襟肯以廣平學而分秋壑簪後村慙

晚節東發結同岑瑟瑟溪山上高風遡竹林宋侍郎孫子秀自引表在飛山

廣平宋儒舒璘號

### 菱湖山

山脉自灌頂來特起高峯爲椅子畧之祖山彰聖寺山包于外水出椅子畧右伶俐山外落大溪與前來後術環村銀山

### 四明談助

### 卷五

四

諸水合而出王家滙山頂有池稱菱湖有東上橋張氏祖墳此與四明山志所稱古姚州之菱湖相隔百里

### 椅子畧

環村有小山稱曰椅子畧以廣平伶俐二山爲門戶隔溪關以人頭山習堪輿者無不于此觀覽終無的穴

### 薛家畧 李家畧

彰聖寺前人稱薛家畧再南又有李家畧水出禪巖山下行二三十里俱出懸磁橋

### 鷓鴣山

奉化縣北三十五里脉自四明山來絕頂有石狀如鷓鴣曹志有石如鷓鴣山勢最爲險惡下有錢溥碑叙鷓鴣化爲神之



事四明山志自灌頂山南支分出東行止於江口山鵝鳩嶺南達

溪口北達環村

宋張武子詩

喪胆巖上人怖死巖下人周道自砥直道枉不問津人生貴  
適意毋容矯吾真淵明兀餘年漉酒乃一巾

禪巖山

縣西南八十里舊有禪巖院嘉靖志山根于菱湖之南下有禪

巖堰其山東北行綿亘不斷直至江口而止山南之水出于  
大埠頭山北之水出于懸磁總合于江口

禪巖教寺

唐貞元元年建東有巖穴可坐百餘人盲法師修道之處因

四明談助

卷五

四十一

以禪巖名宋建炎間燬元至順間重建明時屢加修建聞志

明張東沙詩

山人笑我雨還遊雨裏看山山更幽密樹叢中清澗出虛巖  
洞口白雲稠僧因好客來偏慣鳥為留春嘯未休石徑蒼苔  
塵不到人間只此是丹邱

楊伯翼詩

篋輿度嶺長路盡忽聞香裂壁開天棧撐崖隱石房迴風亂  
幢節滴乳潤衣裳早見孤松瘦山深久絕糧

黃官嶺

在塔嶺之東原名黃判官嶺聞志脈自鵝鳩禪巖等山來水南

出懸磁溪北由伶俐山後出王家匯大溪



木阜山

西連鷓鴣山山下名木坑志云木阜山環列二十四峯奇聳如木芙蓉蓋其峯皆木星亭亭矗立故云如木芙蓉人家皆在山下望之則爲坑矣有呂氏世居東林寺前之呂木坑之支派也其脉止于貓頭橋山南有甘嶺

呂山人舊居

呂氏世居木坑中父山人後遷于北渡附見下卷

呂中父山人時初名時臣自稱甬東野人世居木阜峯下山人少喜爲詩不治經生業及壯負氣不能隨俗俯仰嘗於坐隅書青天白日名山大川八字以避仇遠歷齊梁燕趙間十年客食諸王門下旅寓章邸與太常李伯華論詩得其指授

四明談助

卷三

四

在章歷二時詩大變一日過伯華江上艸堂值夜雪伯華爲出妓彈琵琶佐酒山人卽坐上作長歌伯華絕驚賞謂非復初見阿蒙也去之青州客衡藩衡莊王嘗起高樓東向眺遠樓初成王於望後四日置酒徧召一時名士時日景旣盡疎星尚微王命且未造座與客東望憑欄笑語良久已而月光漸上徧照四座王甚歡因名曰待月樓使客各賦詩以進王未善也時山人正年少下座徐進一絕句其詞曰川原夕氣交暝色自相向月猶藏海底人已坐樓上王大喜謂能得待字義因手觴延山人上座徧示諸客山人遂一日名重晚客潘潘宣王禮之亞于謝榛年七十卒于河南涉縣客舍中魯王孫中立序其詩曰山人鶴骨癯癯若出衣表爲人貞介廉



潔不妄交不苟取故爲諸王公所重人以爲寶錄山人年六十起生藏于句章之夕陽里自撰墓誌後竟葬之有子二長曰輅使學醫次輦使讀所著甬東山人集者舊傳

附山人木坑舊居詩二首

對梅啜粥歌

東家宴客較鼙鼓裊裊香風細腰舞滿堂絳蠟明徹天一擲黃金賤如土誰憐門外號寒兒無袴無襦冰雪時不及豪門衆黃犬白日嚙人當路危我家西溪麓雖然貧不足梅花三百株滿盃黃菜粥

木峯舊業寄諸族兄

歲莫寒山下溪田久廢耕亂鳥驚日出猛虎傍人行蜃島殊

四明談助

卷五

四

方雜鮫潭竟歲鳴林窻讀書處清夜鬼談兵

貓頭橋

橋上設屋二間以憇行人橋東南有社壇廟分祀它山王侯故橋稱廟橋土人訛爲貓頭橋橋北有菴菴甚窄凡山中人出入至此息足覓茶水山僧拾溪中石卵爲牆修竹數千竿門逕幽邃

清秀山 鎮蟒塔

清秀山上有三十六峯清秀奇麗成化志山半有雞籠石晉名

僧建塔于上以鎮蛇虎其後疑有葬金毀塔取之遂爲人患

四明志

自木坑沿溪而上十餘里蜿蜒曲屈大勢南來峯峯逼視溪盡爲清秀嶺過嶺近奉化溪口蓋兩山間以一溪東爲



清秀西爲木阜木阜山後界以懸磁大溪其脉盡于木坑之  
貓頭橋清秀之脉則東行直至江口其分支轉北爲釣臺響  
巖諸山盡于百梁橋塔名鎮蟒以山中往往出蜃當其怪水  
驟發聲若悶雷驚濤駭浪漂沒廬舍爲患非淺昔人故設塔  
以鎮之

### 王家滙山

脉自黃官嶺來崇巖壁立巨壑崩衝雷轟電掣篙師偶一失  
手舟楫爲灰故又名王家灰山體面北山左隔大溪爲西四  
明脉山右近懸磁溪凡懸磁溪南木阜清秀諸山綿延攢簇  
俱東四明護沙溪北佛跡巖淡菴諸勝竹木青葱岡陵隱見  
爲東四明正脉自西而東轉北起它山

### 四明談助

### 卷五

四

### 巖菴

巖菴不見志乘祇見屠田叔云遊它山遵陸以佛蹟巖菴勝  
應是近代所開菴中畧無梁柱但于巖口設以櫺門中供佛  
像鐘鼓左爲厨房有天然水下貯于缸溢則聽其自去菴僧  
兩三人寮房在右循梯而上有巖樓二楹紙牕木榻可爲好  
學之士習靜讀書亦物外佳境也巖菴右上有澹菴僻處山  
隩竹木陰森人跡罕至

### 佛跡菴

後梁開平間耳相禪師結茅後廢洪武間一真創建殿宇崇  
禎間住持正相重葺 後巖有佛跡西有山穴可容百人正  
統三年住持道盛重刻定光古佛事實記蓋以巖上爲定光



佛跡也

聞志

明張忱詩

入山紅葉爛如花  
蘭若英英碧樹遶  
深院石間堪對奕  
古堂雲出似留茶  
竹橫陰洞泉聲冷  
人倚高臺暮景斜  
旣向懸崖看佛跡  
拂衣休用問袈裟

國朝徐志泰詩

夾徑疎松遠悠然  
精舍存鳥常啼佛  
座雲自覆山門陰  
磴一花落危崖衆  
壑奔攀藤尋舊跡  
苔蘚尚留痕

馬陵背

在巖菴北山之上下  
臨王家滙大溪右  
望幽篁邃密巖翠  
重重左顧葉葉扁  
舟齊來足下駭動  
心目當合菴僧結  
亭其上

四明談助

卷五

四十五

以暢遐觀山岡如脊  
平行二三里竹盡下  
山已近鄞江矣山  
本無名土人稱之曰  
馬陵背鄞江它山見  
下卷



四明談助卷三十八

東四明之脉自鎮亭山至它山水自桓溪而下出許家橋者已詳前卷其入江之水落它山堰堰上過脉起它山東北行一路左河右江拱向郡城歷廻沙閘強堰它山遺德廟洪水灣鳥山普和寺北巖小山蘭浦堰光溪馬湖賀氏沙港全氏張氏懷德堂烏金積濟二碶呂山人寓居風棚碶狗頸塘翻石渡眺江橋北渡孫氏陳氏楊氏常樂寺瑞光樓法華泉綠雨溪櫟社沈氏曲轅坊爐頭堰行春碶雅兒橋周宿渡等蹟遞詳于後其永寧橋過河後之脉詳上二十八卷

廻沙閘

制幕林元晉記畧慶元表東海地枕江抱湖水政舉則多豐

四明談助

卷三

年不則爲沴淳祐改元冬可齋陳公由少司農秘閣修撰出鎮兼制置沿海二年春開藩諏連歲失稔之故公爲之創碶一曰保豐復碶二曰斗門曰大河橋修碶號爲喉者曰食曰水曰氣是歲東西俱歉于澇民獨有秋公曰今所導者流耳盍治其源城門內外爲湖爲港鄞西七鄉以飲以漑皆源于它山它山而上則又大溪之源越水所注夾岸沙彌望雨則與水俱下長官堰上下級皆三十六其上沙沒殆盡下不沒者五六溪流幾斷于是井皆汲鹵田苦竭澤歲浚至三四役工數萬計民亦勞止間有暴漲自西岸而下湮塞尤甚公曰岸之防固未易圖與其浚于旣積不若遏于未至水輕清居上沙重濁居下宜閘以止之水平則啓通道如故沙聚于外



則去之易爲力會吉州魏侯峴以書來述鄉民意與公合乃  
度地吳家橋去大溪五十尋而近經始營之起秋八月戊寅  
迄冬十月丁丑命元晉記之公名塏長樂人寶慶志舊有淘沙  
田歲收米六十餘石寄儲常平倉遇闡外沙積稍多卽仰措  
置水利官申支錢米僱人淘浚司啓閉者八人月給米共一  
斛更約來守闡人不許索舟人錢物聞志

### 小江湖強堰

全謝山記云它山堰之截江也夾輔之功莫過于陳府君塏  
之廻沙闡近者西岸之沙頗不爲患故廻沙闡亦無過而問  
者岸谷變遷不可以常例詰要之陳府君之苦心不可沒也  
至堰南之龍舌則舊志皆未之錄及魏讀吉州峴它山水利

### 四明談助

### 卷五

便覽有云堰南得小嶼二屹然洪流中有捍防之勞人目曰  
強堰乃恍然曰殆卽所謂龍舌者也強堰者謂其本非堰而  
似堰也但據吉州之言則強堰出乎天然未嘗施以人力今  
之加以石者不知昉自何時夫萬山之流奔迸而至忽有橫  
厲其衝者雖強不能不圯故石工必不可已况其地當廻沙  
闡之上流則亦式遏之一助也

### 它山

它山之水合衆山之流通于大江唐太和七年邑令王元暉  
相此地爲水道咽喉作堰以禦潮汐導大溪之水折而東之  
經洞橋沙港匯櫟社入寧城爲南塘河其謂之它山者溪南  
泓流皆山溪北皆平地至此始有一山與溪南相對言不與



象山爲侶故名它山

四明山志

兩山對峙有脉相聯故堰得以成

周靖案蛇古作它顏真卿妙喜寺碑有避它城蓋古人築城以避它也志中大梅山有神蛇吐氣成樓閣又名僧建塔于清秀山鎮蛇虎此山必以蛇得名附識于此

四明山志

它山堰

唐邑宰王元暉之所建也界石爲隄江河分流截然爲二若神功然明之爲州瀕海枕江水善泄而易竭雨澤少屯井泉輒涸酌飲江水人以爲病引它山之水自南門入城瀦爲西湖闔境取給始無旱暵之憂它山堰之爲利脩矣

乾道圖經

侯之

四明談助

卷五

三

覆以石版左右級各三十六歲久沙淤其東僅見八九西則皆隱于沙堰身中定擊以巨木形如屋宇耆老相傳立堰之時深山絕壑極大之木人所不能致者皆因水漲乘流忽至其神矣乎

生山水利脩覽

歷代重修記并魏吉州水利脩覽散見諸志

前後修堰事實

南渡之後里之富民周四耆者謂堰稍低惜水之洩遂于堰上加石版厚七八寸比侯原石長減二尺爲片八十有半堰之原脊在周耆石下不可復數周耆未幾家廢人亡遂謂增堰得禍爲是說者果先賢意耶先賢之意惟民利是視而已周耆之前修堰者亦不一卽志稱國朝建隆間康憲錢公億



跪請于神增築全固崇寧間楊蒙重修堰志云歲久川淤人各自私岐分派引旱涸如初先是監場宣德郎唐意培其堰隄僉幕承議郎張必強復增畀以高易土以石冶鐵而固之肩輿而往操舟而還人歎神速又鄞丞魏行已增修它山堰記云紹興丙辰農事舉趾而堰緣颶風忽起潮汐衝突墮圯太守秦公委督官吏補罅塞穴而固之旬日之間厥功告成以此攷之周耆之前嘗屢修堰矣謂堰不可修築者果神意

耶  
水刊  
俗覽

唐僧元亮它山堰詩

它山堰堰在四明之鄞縣一條水出兩山間盡夜長流如白練連接大江通海水鹹潮直到深潭裡淡水雖多無計停半

四明談助

卷三

四

邑人民田種費大和中有王侯令清優爲官立民政昨因祈禱入山行識得水源知利病權舟直到溪巖畔極目江山波濤漫畧呼父老問來由便設機謀造以堰疊石橫鋪兩山嘴截斷鹹潮積溪水灌溉民田萬頃餘此謂齊天功不毀民間日用自不知年年豐稔因阿誰山邊却立他神廟不爲長官興一祠本是長官治此水却將飲食祭閒鬼時人若解感此恩年年祭拜王元暉

又詩

截斷寒流疊石基海潮從此作回期行人自老青山路澗急水聲無絕時

魏峴跋云圖志止載絕句爲唐僧元亮所作或疑此刻不



載歲月名稱恐非亮公之筆然卽其歌以遡其意如因祈  
禱入山與夫櫂舟深入之語非亮公距王侯未遠後人其  
孰能知此耶予因連歲浚沙之艱而思剗堰之不易雖大  
書特書亦未足以答侯賜是歌也詎容不傳敬摹以壽諸  
石使歌與詩並行益以揚侯千萬祀無窮之澤云

宋應燭它山詩

十里猶聞震地雷海神驚懼勒潮回遊人只愛山川好一飽  
因誰惠得來

宋樓攻媿它山堰詩

它山堰頭足奇觀百萬雷霆聲不斷誰把并州快剪刀平剪  
波濤成兩段四明山深水源遠衆壑會溪長漫汗滔天狂潦

四明談助

卷三

五

不少留馮入長江勢奔竄賢哉唐家王長官欲圖永利輸長  
算想得慘淡經營時下上山川應飽看西偏千嶺相屬聯惟  
有茲山擁東岸遂于此地築橫埭截取衆流心自斷斟酌利  
害不全取高下參差僅強半水大十分七分入江徐挹三分供  
漑灌支流瀾瀾穿郡城脉絡貫通平且緩旱時反此水亦足  
坐使千年忘旱暵無窮廟祀報元功像設森嚴人敢玩梅梁  
天矯有冥助大患予今尚能捍前輩所作多神靈日月眞成  
赤心貫後人小智枉更易仰望先賢重興歎老木號風波湛  
碧畫屏俯仰丹青煥更須積雨看驚湍濡足褰裳何足憚去  
家不遠時一遊短艇垂綸流可亂八月倘有仙槎來便欲乘  
之泝天漢



宋魏吉州詩

一朝堰此水千載粒吾民只仰溪爲雨何勞旱望雲四時人  
飲碧六月稻嘗新流出心源澤年年惠我鄴

明萬仲章

達甫

遊它山詩

古殿江邨上長林帶晚暉艇隨巖樹出鳧趁浦雲歸苔淨春  
波綠山深野市稀更看農事好隴穗拂羅衣

梅梁

它山有梅梁在堰下江沙中出自大梅山斷而爲兩其上爲  
會稽禹廟之梁其下沉于此禹梁張僧繇畫龍于上或乘風  
雨飛入鑑湖與龍鬪人見梁上萍藻淋漓始駭異乃以鐵索  
鎖之它山之梁其大踰抱半入沙中不知其長短橫枕堰址

四明談助

卷五

六

暴流衝激儼然不動數千年不朽潮過則見其脊有草一叢  
生于上四時常青或有刀墜而誤傷者流水如血

寶慶志

小江湖梅梁銘

鮑培亭集外編

小江湖堰下梅梁其傳不一而皆未可信顧舊志所云鏡湖  
飛鬪則怪矣近讀黃南山集則曰吾鄴芝山之梅冠天下虬  
枝屈鐵蒼蘚剝鱗花疏蕊細實脆核圓相傳猶漢種孤山之  
梅以和靖顯不知芝山之過之也它山堰梁卽芝山所出南  
山醇儒其言當有據然而前人未有及之何也觀宋魏峴它  
山水利便覽則云相傳立堰之時深山絕壑極大之木人力  
所不能致者皆因水漲乘流而至以爲冥助是所謂梅梁蓋  
本不知其所自實則長官之梅梁長官之深仁所致也不此



之頌而援怪誕之文以爲故事志乘之陋甚矣乃爲之勒石于雲濤觀前而系以銘曰是本真龍天吳所伏何須畫龍元冥相觸洞天潭潭一木鎖之外江內湖右之左之

遺德廟

唐太和邑宰琅琊王侯元暉之祠也自它山堰成溉良田者凡數千頃民德之立祠以祀後封善政侯乾道四年賜遺德廟額乾道圖經舊名善政侯祠每歲用十月初十日記以剛鬣成化

志堰之造也採公闈黎實佐經營今有祠像在侯之左俗稱

懸慈法師宅山水利備覽

封善政侯勅寶慶三年正月十七日牒牒後列銜者少師右

丞相魯國公彌遠左參知政事繪右參知政事極皆不書姓

四明談助

卷三

以史考之蓋史彌遠宣繪薛極也在它山廟封善政靈德侯勅淳祐九年二月一日牒牒後列銜者太傅左丞相越國公清之同知樞密院事兼權參知政事儼簽書樞密院事兼參知政事方叔皆不書姓以史考攷之蓋鄭清之應儼謝方叔

也在它山廟錢志金石

萬季野竹枝詞

善政祠前巖壑幽一村佳趣此全收莫論奇績窮千古只說江山也最優唐文宗時王元暉爲鄮令建它山堰百世利賴至今有善政侯祠

雲濤觀

在它山堰旁宋嘉定十二年賜額遺德廟屬焉延祐志今改造



稱東嶽宮殿字像設俱極修整屠田叔曰游它山從江入以石壁勝抵雲濤遵陸以佛跡巖菴勝語載敬止錄

### 洪水灣

洪水灣去它山堰里許河流罅而外洩江湖溢而內攻溪江合灣之左右漫爲壑而它山之水始不得東注民久病之宋淳祐間嘗立石塘以障已而水穴其旁隄潰如昔寶祐間判府吳潛卽其地爲壩三一瀕江以禦狂瀾一瀕河以禦罅漏一則介其間爲表裡之拓僉謂江之東南有何氏竹木園當水之衝激其勢而北欲撤其蔽而疏通之官爲給錢市其地浚而爲江因畚沙以實二壩之北河隄堅密江水安流矣至

續志

### 四明談助

### 卷五

洪水壩近日塌陷異常且罅漏甚多旱時淡水不止三分入江不能七分入河卽入河者多而河身甚淺不及舊時之半蓋因舊時溪邊竹木蟠固水循故道山間不盡開墾泥土堅實今則隨處開墾堅土變成浮泥又以竹木昂貴勦伐一空一遇潦時遂致浮沙蔽空而至河身漸滿此實無計可施倘有留心水利者宜將洪水壩築實加高隨處浚河而童家廬通西鄉一路更爲要緊卽將浚河之泥載至洪水壩傾入壩外江塗以填地積久可使壩身永固旱時不至水漏易竭河深而能四達潦時亦不至湮沒田稻實第一善政也

勾餘土音小江湖故蹟



它山堰

天公于堇封偶然正經界江湖混一區鹹淡雜相會乃降王  
長官赤手剪大塊橫將媧皇石而成夏后澮均調旱潦間三  
七互不害湖流于此蓄江潮于此砥引鹹亦無妨抽淡更足  
賴富媪賦精思巨靈訝鴻裁梅梁如臥龍千年茹沆瀣此非  
人力求足識天心在至誠感神靈乃以邀佳賚嗤彼誕人言  
大梅胡詭怪欲以畫師力而配茲遺愛誰題詩上頭嬾堂暨  
攻媿光芒萬丈長末學詎可逮哦詩正蒼茫雲濤助澎湃  
吠切以石  
過水也

廻沙閘

它堰真神手祇嫌羣沙攻萬水自西來拉雜相盪衝能使大

四明談助

卷五

九

沛澤填淤忽以充魏侯有三策誰其為折衷石隄良難就石  
閘亦已工賢哉陳大卿民莫時忡忡三喉疏城內更復及城  
東循次至城南遂成廻沙功如九關一虎如當道一熊橫截  
羣凶勢徐引百川同後來王總管濬治募田傭排年以定例  
責成在富農近年頗安堵溪影瀉晴空誰人訪古閘為整昔  
賢蹤岸谷不可常時塞亦時通有脩乃無患諸君勿夢夢

洪水壩

累朝衛它堰更端法愈妙至于洪水壩乃為集其要湖流或  
內洩江潮或外嘯遂成洪水灣巨浸不可療激羣流而北民  
復病無告判府急水利平水徧泛棹身來相地宜何園實窳  
奧瀕江第一壩以禦狂瀾跳其二乃瀕湖以杜漏卮窳更于



表裡間聯絡爲三道回環而複疊苦心成睿照洪水成恬波  
鼎撐儼天造想當肇始時鬼神或嘿詔功應勸三犀豈徒資  
憑弔謁來五百年春漲兼秋潦三壩僅餘一水雲傷殘照

### 鳥山

過洪水灣卽起是山形如飛鳥將集兩翼漸斂故名鳥山北  
瀕河有財神殿殿後有菴南瀕江有普和寺

### 普和寺

漢乾祐二年建名靈影以響巖嘗見佛影也宋慶歷七年賜  
今額聞志對江有響巖釣臺高尚宅等蹟居民從此出定山橋  
甚便故近年設有義舟可渡

### 明楊伯翼詩

### 四明談助

### 卷五

谷口來相訪空門晚更尋舟行千嶂轉人語一溪深松葉巖  
扉靜山牆水竹陰伯陵餘齒在偃仰歲寒侵

古寺秋通梵晴江夜泊船入門金作地禮懺佛爲天折竹諸  
山應燒香合殿傳虛無獨不寐松月照安禪

### 明王次仲詩

苦竹牛羊徑江干到竹扉一松留晚照萬雀訴朝饑香蝕爐  
中篆苔乾石上衣僧言貧不好過客向來稀

### 北巖

北巖中可容百人暑月清涼有頻伽鳥巢其中延祐志北巖卽  
鳥山之右翼臨江巖石攢簇產小竹翠篠簞簞當屬寺僧于  
巖頂構一小亭望江上釣臺響巖諸山最爲幽勝



類伽鳥

佛書著此名昌國補陀山有之鄞縣勾章北巖亦有之

賈慶志

小山

楊伯翼小山望月詩序

出城南五十里舟行水石間一峰宛宛出林末為小山下為小溪蓋楊隋時小溪鎮古勾章城廢址在焉予因山構茅茨為老計左江右溪長林修竹平疇廣野高臺幽軒無不有也晏坐之隙時與山僧野翁談經問字較晴量雨興至則策杖遊西山諸寺每有佳晨好夕必會會必小飲期不必暢也

小山偶作

江碧沙清水鳥飛白雲生處有柴扉山人愛向山中宿才到

四明談助

卷三

十一

山中不念歸

一間茅屋住千峰雲氣峯峯盡作龍九月霜清潭水落石窻幽夢繞芙蓉

日出登山日暮還山山流水日潺潺行到山深艸堂出柴門夜夜不曾關

千仞清江萬仞山雙峯對出入雲間借得溪南三石艇打魚沽酒不知還

蘭浦堰

去它山七里小溪鎮洞橋側

至正續志

鄞江西岸至城南凡堰三

十二此堰第一至正續志言自蘭浦堰以下載之魏峴水利備覽今里中所刻峴書未有始知尚未全也

敬止錄



光溪

桓溪諸水經中潭至它山爲光溪隋并句章縣唐改鄞州及鄞縣與置明州俱治其上志聞自它山以下至洞橋沙港口俱稱光溪宋之小溪鎮卽唐之光溪鎮在光溪之南句章鄉若溪北則光同鄉矣又曹志云晉末避孫恩之亂自城山渡移治于小溪鎮在懸磁今懸磁有城址其地至今名句章鄉此亦一說

小溪巡檢司記

清容居士集

城南門折行四十五里曰小溪鎮宋元豐置焉唐曰光溪鎮以監酒稅烟火得名治平元年罷酒稅以便民獨掌烟火凡言烟火職民訟水火盜賦其地三境交接大江貫其中羣溪

四明談助

卷五

七

畢會水清冷如明鏡巖巒擁秀千萬篙競發碧瓦朱甍聳聳鱗比望之如神仙居宋紹興中北客多樂居之魏文節公結圃墅與客大梁張武子爲詩友其他如安儀同孫王尚書相繼卜築而爲是鎮者于于養恬承接屢舄爭鬪絕廷下楸幼歲舟至溪上猶能記髣髴也皇朝一海寓立巡檢司于是地而舊鎮久廢故家亦湮沒毀散仕者率苟循歲月處隘踵陋不復以崇巖爲事泰定元年白居易察罕不花莅是職獨愛是溪有先賢之遺俗薪者販者前歌後休絕枹鼓之警罷干楸之邏願廣聽事以表茲溪于是木踵以至甓效以來三月闡工九月告成遠迎龍湫近接虹梁舉觴以落而懷牒巧訟者各屏息以避有合夫道德齊禮之義廼相與歌曰作之烝烝



罔聞其聲養其高明心清以寧不卑其官惟後來是承

明沈嘉則光溪詩

十里郊墟山水都古今遺事未應誣采芝故近黃公里洗馬  
猶傳賀監湖六代衣冠成塚墓千家烟火屬藤蕪青天回首  
歸何處落日千峯興不孤

自註六代謂天順成化宏治正德嘉靖隆慶也光溪之東  
西南北二十里間衣冠萃止稱盛焉進士則鄭宏樓東張  
輔朱凱鮑璋呂和周致華愛陳璧趙昊陳束全元立而璧  
愛束有文章名宏以吏兩發解位終都給事致以延慶寺  
僧出身知縣事元立以翰林學士爲少司空明經則趙瓚  
趙珪趙政趙敏趙堦一家凡五人又樓偉穆澄陳欽全文  
而政爲郎中文學則陳世則善著論陳鑿出貢方綱以博  
學稱而子可能詩又子石稱才嘉靖間有儒生吳景祥字  
天錫稱高才能詩不幸早卒

明楊伯翼詩

江碧天高水木清光溪猶識古城名陽厓楊色寒仍綠石壁  
潮痕午漸平

明林羽菴

陳隆

詩

翠靄分帆色春溪半是雲只因市朝客閒却白鷗羣

張氏懷德堂

光溪張氏自宋樞密廣之子處士禮避金兵渡浙宅于鄞之  
櫟社號稱九世簪纓處士之曾孫高行始築室于光溪傳嗣



數葉雖顯榮者稀而貲饒人秀甲于四境近有字受之者以  
宗人日繁乃相地于宅之南別築一堂榜曰懷德

楊文懿公集

萬季野竹枝詞

鄞江西去接它山百里長隄幾曲灣晴日放舟真樂事遠峯  
無數點苔斑

光溪山水甲明州花竹禽魚事事幽閱盡西南行樂處無如  
此地日狂游

往代光溪曾設州至今民物此中稠商人解弄三弦子婦女  
能梳五鳳頭 唐初設明州其地在今光溪

馬湖

縣南五十里相傳賀秘監洗馬池按舊唐書稱知章為太子

四明談助

卷五

十四

洗馬德仁之族孫池名其因是耶距池三里曰賀家灣賀姓  
尚多嘗掘土得斷碑可識者唯會稽郡賀府君六字而已

聞志

賀秘監故宅

一在句章鄉小溪之馬湖一在響巖山亦秘監隱處至今名

高尚宅

聞志

響巖在江南上流距此五里正對江北烏山詳見

後四十二卷

禮部尚書賀先生知章

字季真行九生小溪之響巖唐證聖初中進士超羣拔類  
科初授國子四門博士歷遷禮部侍郎兼集賢院學士一  
日併謝時稱兩命之榮又充皇太子侍讀晉授秘書監性  
放曠善談笑自號四明狂客又稱秘書外監每醉輒屬詞



筆不加點俱斐然可觀天寶三載因病疏請度爲道士放  
還鄉里上許之仍拜其子典設郎曾爲會稽郡司馬使得  
養侍御製詩以寵行皇太子以下咸就執別先生歸後築  
室四明之鹿亭樊榭時往來稽山卒年八十六葬于會稽  
肅宗以侍讀之舊贈禮部尚書自後稱四明輒曰賀監舊  
山川蓋詩人名重本朝未有過先生者兩上皆舊傳  
史家稱唐中葉將相有功帝室惟李鄴侯郭汾陽先生之  
識鄴侯李翰林之識郭汾陽此豈當時詩人所能及耶傳後

唐明皇御製詩賜賀知章

遺榮期入道投老竟抽簪豈不惜賢達其如高尚心寰中

四明談助

卷三

十五

得秘要方外散幽襟獨有青門餞羣寮悵別深

李翰林

白送賀監歸四明應制

久辭榮祿遂初衣曾向長生說息機真訣自從茅氏得恩  
波應許洞庭歸瑤臺含霧星辰滿仙嶠浮空島嶼微借問  
欲棲珠樹鶴何年却向帝城飛

錢志但信正史稱賀監爲越之永興人劉于寓賢試思  
正史亦後人所撰豈不見送賀歸監四明唐詩已有明  
徵秘監亦自稱四明狂客乎今以高隱學賀秘監祠記  
語節錄于後

高隱學記云昔公自號四明狂客李大白稱爲四明逸老  
稽山賀老明皇序云將歸會稽唐書載公越州人乾元贈



詔亦稱越州而或有疑公非鄞人者按漢爲會稽郡合明越皆其地唐開元間鄞尙爲鄞原隸于越州旋因四明山分置明州然則言會稽言越州言明州可通稱也至若舊唐書原多舛誤其言永興未足爲據公實生鄞小溪之響巖今名高尙宅舊有公讀書樓又地名馬湖有洗馬池傳公讀書處公本洗馬賀德仁之族孫池名或因是相距三里曰賀家灣迄今賀姓尚多城之月湖亦公讀書故地惟所賜鑑湖與墓及所捨宅爲千秋觀者俱在會稽文獻錄爲後徙剡川蓋爲寓居而卒葬于此考會稽志固列于寓賢而以所捨宅爲行宅也

又云賀季真善隸草常與張旭遊于人間凡人家廳館牆

壁及屏障忽興發落筆數行如蠱篆飛走雖古之張索不如也好事者供其牋翰共傳寶之書賦云湖山降祉狂客風流落筆精絕芳詞寡儔如春林之絢彩實一望而寫憂今存草書一帖前後有米元章小楷題識禮部尚書尤延之刻置天台郡齋政和間秘書郎黃長睿嘗見張長史帖十字云賀八清鑑風流千載人也長睿跋云沈吟此語恍若季真在目長史此帖不獨草聖可賞也

敬止錄

紀事詩載李白自蜀至京師賀監知章聞其名首訪之呼爲謫仙人解金龜換酒與飲盡醉由是稱譽光赫李青蓮傳云太白自蜀之京師公聞其名欲見之邂逅于長安紫極宮請觀所作白出蜀道難歌示公公曰公非人間之人



可不是太白星精耶因解金龜換酒爲樂薦白供奉翰林  
後見烏夜啼曲曰此詩可泣鬼神也青蓮對酒憶賀監詩  
序亦云太子賓客賀公于長安紫極宮一見予呼予爲謫  
仙人因解金龜換酒詩云長安一相見呼我謫仙人則初  
見長安爲的非公爲任城令時與白相親也

敬止錄賀監紀畧

賀秘監有高名告老歸里上加重之將行涕泣辭上上曰  
何所欲對曰臣有男未定名幸陛下賜之歸爲鄉里榮上  
曰爲道之要莫若信孚者信也履信思乎順卿子必信順  
之人也宜名之曰孚秘監乃再拜受命及歸久而謂人曰  
上誠愛我其謔我耶孚乃爪下爲子豈非呼爲瓜子耶

李翱

車異記

唐後詩人多引用賀監然皆尋常活套語用之最靈

四明談助

卷三

七

變出奇不窮者惟東坡一人試摘錄之次李公擇詩自笑  
食檀典屬國來看換酒謫仙人答滿思復誰言載酒山無  
賀寄取啼烏巷有顏答劉景文但空賀監杯中物莫示孫  
郎帳下兒次惠循二守風流賀監嘗吳語憔悴鍾儀獨楚  
音次馬元賓握手寧知無賀監結交誰定許袁絲送呂朝  
昌臥看古佛凌雲閣勅賜詩人明月湖跋二錢倡和生平  
賀老慣乘舟騎馬風前怕打頭題醉眠亭從教世路風波  
惡賀監偏工水底眠題四明狂客圖狂客思歸便歸去更  
求勅賜枉天真

敬止錄

桓溪全氏舊居

鮪埼亭集碑記畧予先世家桓溪之上昔舒龍圖嘗以慈溪



桓溪藍溪稱爲三溪予謂鼎足之中當推桓溪以本色也溪上之水發源四明山中及放乎蘭浦而下它泉汨汨一碧如洗蕙江環其背春深而綠陰夾岸秋老而絳葉滿汀千篙競發縮項之鰓時出丙穴雖山陰道上之泉不足比美句餘靈淑之所蒼萃也而吾鄞諸叟之所卜築者亦於此最多故遊人過客亦最盛自唐賀秘書爲開荒詩老其高尚宅尚存宋清敏公則蕙江其故居也陳尚書以忤蔡京歸於蜜巖結冥菴南渡而後魏文節公自焦山來築碧溪菴於石曰爲觴咏地而張監庫良臣自大梁來亦卜居焉三徑密邇其時文節東閣之客甲于江東王季羸之詩白玉蟾之仙柴張甫之俠

張甫名厓見剡源集

葛天民之誕皆以魏張之友來溪上又未幾時而

四明談助

卷三

六

樓宣獻公別業在焉宣少師之別業亦在溪上而鄉里以其人不甚重故弗稱咸淳間安秘丞劉以忤賈似道亦居溪上日賦詩而王尚書深寧園亭多在城東其溪上小園則晚年所爲也東發黃先生亦別署仗錫山居士其寓溪上最久清容謂溪上盛時碧瓦朱甍聳聳鱗比望之如神仙居嗚呼盛矣予家先世文詞之學實自義田宗老六公發之其時正及接樓王諸叟之風采莫不循循有前輩詩法夫山川之秀必賴人物以發之漢宣城太守有廟名士多集其中荊州刺史爲立冠蓋里碑唐之衡陽有儒林文學碑以志其一州人物今吾溪上之盛實無忝焉乃爲文勒石樹之舊宅之旁後生晚輩不及見前哲之風流得此碑猶可追溯而想見之也



全氏世譜畧

宋太平興國中有諱權者累官侍御史知青州以母憂不出  
奉其父由錢唐遷居鄞之桓溪 侍御生二子長鼎次俎而  
鼎爲明州學錄故侍御來鄞其卒也葬于溪上之沙渚 越  
六世而宋理宗之母慈憲太后與福王之妃俱出于山陰一  
支顧其祖系實自鄞方理宗之潛也學于余魯公天錫之家  
因訪外氏于溪上嘗飲食焉旣而卽位推恩並賜官爵而桓  
溪諸全兄弟八人不欲攀外戚之寵以邀恩澤相約不出朝  
議高之乃于八人中選其二曰汝梅汝霖尙縣主而爲樹雙  
闕于碑上顏之曰鵲巢以表焉 全庶常門下董秉純撰 後遷於城中湖  
上詳湖上第

四明談助

卷五

九

沙渚鵲巢碑

由府城而西四十里桓溪之水東下一支自洞橋而東爲前  
港一支自仲夏橋而東爲後港皆它山水所注而後港則桃  
源之水西來會之落後港分流不及五里而合其合也有渚  
回沙如帶環港口焉鄞江之南流者經馬湖響巖諸山其名  
曰蕙江適當桓溪之背桓溪前港之上流過唐君廟流下由  
唐家堰以入江其下流則合後港之水由烏金磧以入江而  
沙渚介乎其中全氏自宋侍御公居溪上于今八百餘年矣  
社木與墓木森然相望其自洞橋兩岸而下十里之中皆全  
氏也沙渚之背有浦其水不與溪相通然實卽溪上之水引  
入田中而爲浦者旱則亦能蓄江水以灌田出東津橋有磧



入蕙江名曰鵲巢碑蓋全氏在宋時既為理宗之母家而又兩尚縣主故為樹雙闕于碑上城南之人皆呼之曰鵲巢全

氏鵲埭亭集外編

句餘土音小江湖故蹟

鵲巢坊

詩話先侍御公居桓溪次子遷山陰之東浦九傳為宋穆陵戚畹而穆陵潛龍時學于余魯公天錫家因曾至桓溪訪外家族屬登極後以仁安皇后册命恩特下詔徵桓溪諸全至臨安先徵士兄弟八人並不受官穆陵強選二人尙郡主焉有司以鵲巢坊旌之

為笑黃鬚叟宮門泣受笞底須因女子暫爾壯門楣副馬雖

四明談助

卷三

通籍高人早見幾鵲巢標古渡鴻羽落高遶

本心書院

詩話先徵士焘和公有子四人皆令從陳侍郎和仲傳慈

湖之學建書院曰本心慈湖之旨也

闕湖存學統和仲有遺編齋與文翁合

文參政及甫亦以本心名齋

宗從

孟氏傳功惟崇踐履流弗墮狂禪再世傳高弟南山亦大賢

南山黃簽事潤玉少受正學于先生之子遜翁

義田局

詩話族祖本然本初本心三先生創義田其少弟真志先生成之元至正中中書行下達魯花赤給以官牒

徵君有高誼上足配樓余牒記殘元押倉留滯穗墟故阡空



在望名德半淪胥今日竟何似耨耨傲有餘

宣家鹵宣氏

乾隆癸丑科進士向榮字蓮渠官內閣中書丁艱歸里卒於家弟向午諸生

烏金磬

在句章鄉鎮都又名上水磬

聞志

宋魏吉州峴重修烏金磬記畧

出城南五十五里有堰曰它山唐鄮令王侯元暉所建水自越之上虞歷四明山萬壑爭流演迤碎滙南注于江自堰之立約水入河乘除有數鄞西七鄉爲田數千頃藉以灌溉其流貫于城之日月湖闔郡之人飲焉食焉泳焉游焉堰之利

四明談助

卷三

五

溥矣然視水之大小而提闕者磬之助爲多野老謂侯由堰

口浮三瓢

一作木鵝

聽所止而立殆神其事今自堰出東十有五

里爲烏金又東三里爲積瀆又東二十七里爲行春皆相地之宜而爲之節惟烏金首枕上流歲久傾圯嘉定辛巳耆老以請大丞相史魯公素知本末慨然下其事于郡出給調度一不以屬吏民咸勸趨于是低舊址二尺許身東西五丈二尺有奇臂東二十七丈西十三丈橋五丈五尺高九尺濶稱之合石爲之櫃植石爲之櫺規模宏壯工力縝密越三月而畢峴世居溪之濱與田夫野叟念此至熟茲幸贊是役則叙次事實不當以固陋辭因書之碑

呂山人移居句章里



呂中父山人時初名時臣自稱甬東野人世居木阜峯下後居句章里傳詳木阜舊居

附山人移居後詩五首風土詩五首

江上醉吟懷諸子

甬東歸客情無已江門醉舞秋風起桃花渡東包十亡新安道上盧九死死者既死殊可悲生者徒生烏足喜平叔多能無所用文父甘貧了不恥惟有嘉則賣賦歸閣上長吟對妻子嗟余寥落還荊州白日到家雙淚流眼底故人復如此此生促刺真蜉蝣且以微名埋麴蘖何須玉匣葬寒湫黃金空鑄青牛老金谷銅駝沒秋草醉來萬事付青天千古空江月浩浩

四明談助

卷五

三

把酒向舊宅芙蓉

歸去空山裏無人知姓名意忘雙齒落猶戀一尊傾屋破心何漏秋高夢亦清拒霜如有約的的滿叢生

八月十六夜邀兆和民服民孝元叔乘潦泛舟

雨歇秋方淨扶攜上場船共憐今夕好不減昨宵圓絕潦渾無地除山盡是天清光溢心皆傾賞愈丁年

句章里寄城中諸社長

白石江鄉家益貧聖朝漁父不稱臣門前江水通三島谷口人烟襍四民手種參苓蕞世藥心知雞犬漢時隣却憐叔景浮雲薄留得風流一季真

閒行卽事



竹屋炊烟四五家門前潮水繞寒沙道人日晚乞食去鷺鴨  
滿田蠶豈花

潘世君問寧波風土應教五首

越絕饒山水古今文物稠三冬無積雪十月尚餘秋風雨無  
歸處家鄉在盡頭出門車馬少到處泛蘭舟  
石頭古城子城下遠滄波大屋空如谷小船尖若梭山深豈  
麋鹿潮滿制鼉鼉距海五十里生涯海錯多  
淹淹梅雨後昇濕用樓居有地俱成稼無人不讀書香多吸  
老酒鮮極破黃魚頓頓新杭飯先將賦稅除  
兒童養鷺鴨蔬果足山家赤午農耘稻清宵婦績麻蒸心先  
敬慎嫁娶稍奢華長吏民皆畏無煩刑法加

四明談助

卷五

五

四明八百里物色甲東南玉版春肥笋羹餅雪醉蚶羹山足  
靈氣蒸水供餘甘窈窕千峯處幽踪日可探  
積瀆硤

在光同鄉四十一都又名下水硤開碑記見前

風堀硤

縣西南三十里光同鄉一名壘硤宋熙寧中令虞大寧置用  
却暴流納淡潮者後廢按行春至積瀆相距三十里行春居  
江下流潮汐易至烏金積瀆處上游非潮盛漲鹵汝不至河  
渠少涸江湖尚澄淡可壅入河渠以溉田淫潦亦易洩故風  
堀視他硤爲尤要亟宜收復者也開嘉慶廿三年觀察陳公  
中孚開浚城河有意興復是硤後于道光二年陳公去後開



成爲利甚溥

宋舒龍圖直風壩碑記畧

鄞于明爲劇縣占鄉十有六而公私之田無慮幾萬頃其緒蓄以待灌漑者既無幾而凡所以爲捍防醜導之具吏又忽不時省頽漏廢圯十或八九不幸天時稍愆亢則其涸可立待而民輒病光祿虞大夫爲邑于此始與民圖之卽北渡之西曰風壩積石爲碶以却暴流納淡潮既又自州之西隅距北津疏淀淤之舊增卑培薄以實故隄而作閘于其南拒所謂鹹水以便往來之舟而東西管數鄉之堰碶隨以完善者凡六所蓋用工一萬一千有奇而漑田五千五百餘頃假財于賑貸之餘而公不費役民于既病之後而私亦不勞于是

四明談助

卷三

五

邑人相與傳之願有以久大夫之賜于無窮

風壩廟

祀宋熙寧間鄞令虞大寧蓋嘗築碶曰風壩廟因以名後碶壞于私風水之家乃訛祠爲風伯廟祀風伯之神 國朝

康熙丁卯詳定改正

聞志

狗頸塘

縣南二十七里塘長百餘丈以形得名江河夾岸而江勢于此尤爲湍急潮衝地狹往往頽壞嘉靖郡志不載此惟宋寶慶志載長塘堰其坐地與要害及處置之方與狗頸塘相似今有塘而無堰大約卽此耳

聞志

對江爲胡家壩其地勢自南至北突出數里江至此一大滙每遇落潮南來水直射衝激

物

廣大字號  
料紙貨發行



故塘易壞嘉慶乙丑間邑紳士公議將已坍之塘并河俱讓出另買汾河一帶民田爲塘修築堅固此係民力非官力而好事者建周大令生祠且比之它山善政侯難免訾議

### 翻石渡

西南二十五里通鄆塘鄉相傳唐王元暉築它山堰采石東山石浮而至一婦以帚指石石卽翻沒故名宋咸淳中江涸見其石如鋪明正統七年鄆令楊壽重造渡舟建亭于渡南

嘉靖志

萬歷間里人任氏捐金造舟有世澤碑在亭

敬志錄

### 南塘路

東北達郡城長春門西南達奉化小溪等處凡商販行旅以及部使檄書郵遞絡繹不絕南北往來孔道也自狗頸塘塌

### 四明談助

#### 卷五

五

後路亦隨之而壞嘉慶丁卯間塘已築成衆首事議公捐修塘路顧工程浩大捐費不足鄆紳士徐君巨川慨然獨承其事自北渡至南郭甬水橋四十里塘路計用費三千餘金陸續修成可不謂豪乎亟錄之以爲行善者勸

### 眺江橋

東達櫟社西達洞橋聞志寧郡大橋在西塘河以高橋爲第一南塘河以眺江橋爲第一凡督部使者自杭紹來舟行必經餘姚江車西壩由高橋入郡城自閩省及溫台來舟行必在經奉化江北車渡壩由眺江橋入郡城

### 北渡

甬水門南二十五里往奉化路蓋奉化有南渡故以此爲北



也

寶慶志

宋有洪子五名管幹令鄞奉各官設渡舟渡夫

敬止錄

唐許丁卯渾曉發鄞江北渡詩

南北信多岐人生半別離地窮山盡處江泛水空時露曉兼  
葭重霜晴橘柚垂無勞促歸楫千里有心期

孫氏心遠軒

楊文懿公心遠軒記

孫氏之秀曰叔禮者寬和莊重綽有先代風而文采過之嘗  
構一軒榜曰心遠而屬予為記予讀靖節詩有曰結廬在人  
境而無車馬喧問君何能爾心遠地自偏試嘗思之靖節居  
柴桑之南村去城市遠甚其地之偏非以心遠致也然其言  
豈無謂哉世蓋有居名都大邑而被褐懷瑜門無轍迹者亦

四明談助

卷三

三

有處深山密林而賣名招權輪蹄日叢于其廬者使靖節之  
心一不遠則將折腰于見星撫髀之徒而南村之地焉得無  
車馬之喧乎此其所以忘言于還鳥之真意也今叔禮居鄞  
北渡固猶柴桑之南村而亦無車馬之喧也地偏同心遠同  
而心之所以遠不同樂天知命超萬物而絕百代者靖節之  
心所以遠也保躬安分不慕圭組之寵鼎彝之勳者叔禮之  
所以遠也苟由其同者而企其不同者則南山之佳氣北窗  
之清風亦豈靖節得專之于靖節庶之矣叔禮其茂之

陳大理宅

大理寺丞陳公紫芝之居在北渡

陳贈公玉綸



字爾昌出爲叔父贊虞後侍養以孝稱兄國綸欲割畀本  
生產之半辭弗受授徒雍邱侯氏其家延師張宴出女樂  
侑觴席罷就寢聞戶剝啄聲啓視卽侑觴者拒不納次日  
主人拜曰君真吾子師後以子紫芝貴贈奉天府府丞曹志  
生平著述甚富皆聖賢宗旨晚號省菴目覽手鈔臨耄無  
倦勤卒年九十有二聞志

### 大理寺丞陳公紫芝

字非園性純篤事其兄金芝如父白首無間言從黃南雷  
講學與同邑陳介眉仇滄柱相切磋中康熙十八年進士  
座主葉文敏公方霽見其名喜曰浙東名宿也薦入館選  
旋以親老告歸丁外艱服闋改御史毅然以風紀自任時

### 四明談助

### 卷三

七

法網寬大京僚歲受外吏餽遺于科道官尤重公一切峻  
拒有奸徒鄧二者張酒食肆以妓爲囹誘良民入其室恣  
勒索不遂卽禁繫之甚有致斃者而踪跡詭秘人莫能詰  
公巡視南城訪得其事遣役捕之一訊而服有關說求寬  
者踵至不聽卒置之重辟嘗上疏謂朝章國典官歸畫一  
民間冠昏喪祭猶未有定制請編禮書頒行又請乞裁併  
屯衛大指謂屯務屬州縣則糧額可清地畝可按訟端可  
杜雖所奏未盡得請要皆切于實用是時封疆大吏多由  
閣部保舉湖廣巡撫張汧大學士明珠所私也恃勢不法  
臺垣莫敢糾之者紫芝獨具疏參劾且請罪其保舉之人  
疏將上有大臣力止之不可 上已遙望見命上殿卽出



疏因面啓其罪 上領之且曰滿朝爲所賄囑無能以其  
事上聞爾小御史乃爾敢言隨 諭九卿并保舉湖撫者  
一體重議事終寢不行而紫芝直聲震朝野旋陞奉天府  
丞兼督學政力絕請托取士皆得實請葺學宮置學租設  
義塾墾荒土部議允其二歸朝授大理丞讞獄慮囚屢有  
平反在廷多側目因其以峭直承 上知無如之何一日  
于朝房值明珠延坐進茗飲之歸至寓暴卒公居在北渡  
就其里人詢求志銘行狀而公後已式微絕不可得及閱  
萊州府志則華野郭琇劾明珠原疏具載而公之劾湖撫  
及爲明珠所毒一一得知其詳因據郭疏書其大者而餘  
事則采之郡志焉標註存稿 子蕃雍正四年舉人選舉表

四明談助

卷五

天

常樂講寺

縣南二十里宋治平間僧宗曉建建炎間燬元至正間住持  
惠隱重建佛殿山門外有石塔及法華泉明嘉靖四十三年  
勅葬吏部尙書聞淵于西南隅而寺址在諭塋西北十一步  
奉禁廢寺不許重修 國朝康熙二十二年以廢殿將圯住  
持元常商于閩氏減低舊宇構殿闕志宗曉姓王號石芝初在  
延慶鑿井于此以飲行者名法華泉作亭其上縛屋數楹得  
魏文節公常樂舊額創爲接待此寺所由始也敬志錄

明沈嘉則詩

寺廢僧無古殿傾鐘魚不響夜狐鳴高篁大樹都樵去空剩  
寒溪綠雨名



法華泉 常樂寺側相傳僧崇所鑿以法華經安井底故名聞志

綠雨溪 櫟社常樂寺後櫟社志

明沈嘉則詩

家住芙蓉江上人歸綠雨溪頭花落朗吟對酒月明長嘯登樓

楊司諫宅

宋左司諫楊煒自華陰遷越復占籍于鄞之櫟社聞志左從政郎楊公煒

字文光世家華陰以進士授左司諫左從政郎徽宗梓宮歸舉朝欣賀公獨表請驗視真贗秦檜方主和議公移書參政李光責之檜深銜之下公獄後知黃巖縣盡心水利

四明談助

卷五

无

民皆德焉由黃巖徙越始占籍于鄞之櫟社三補耆舊傳

楊雱都大名

字賓實號鳧嶠宋司諫煒之裔孫其先世又自櫟社遷于郡城西郊家居孝友萬歷丁酉副車授南贛府雱都縣愛民育才省刑薄斂有首尾吟勸民孝友十歌刊示風俗一新為立碑建祠解組後日與鄉先生李金峨全元洲丁禹門徐九瀛諸公優游觴咏著有舸上夢吟集三補耆舊傳

宋寧宗為楊氏題扁

鄞城南楊氏最盛諱景舒者以行義著聞檢正王公庭秀為賦碧鮮亭詩子萃温温儒雅聘三山鄭屯田為師樓宣獻公兄弟俱來學邦人以為美談萃孫璘字子美急義疏



財尤以孝義爲本祖塋精舍題扁未立時寧宗以皇孫毓德  
潛邸翰墨精妙鄭先生爲僚遂爲之請寧宗欣然親灑青山  
繼德菴五大字以賜崇齋集

### 瑞光樓

在縣南二十里櫟社之陽元末時溫州高明字則誠避亂主  
于沈氏居是樓作琵琶記成時清夜按拍歌舞几上蠟炬二  
枝光忽交合遂名樓爲瑞光云嘉靖志

今櫟社橋臨河瑞光樓古蹟尚在凡樓房擱煞俱橫裝瑞  
光樓則直裝所見者惟此與青龍橋旁破樓子兩處

聞志引蔣仲舒堯山堂襍記云高栻字則成乃作琵琶記者  
則成此記爲其友王四而作王四初積學不仕則成與之友

### 四明談助

#### 卷五

三

善勸其赴舉後遂登第棄其妻而贅于不花太師家則成挽  
之不可得故作此記以切諷之記名琵琶者取其二字上各  
有二王字爲王四也牛太師者蓋元人呼牛爲不花故謂之  
牛而托名于伯喈者以伯喈嘗從董卓之辟而卓亦稱太師  
故也明太祖徵時嘗見此記而奇之比卽帝位詢得其實遂  
捕王四置之于法因遣使徵栻辭以心恙不就帝語近臣曰  
五經四書如五穀家家不可缺琵琶記如珍玉百味富貴家  
其可缺耶據堯山所紀是高栻而非高明也

### 萬季野竹枝詞

終宵曲就聚燈花異事人傳高永嘉還有布衣櫟社長直教  
老手奪琵琶



詩註元末永嘉高明寓櫟社撰琵琶記成兩炬之光忽焉  
交合里人異之因名爲交光樓明嘉靖時沈山人嘉則居  
此盛有詩名自署爲櫟社長

### 櫟社沈氏

甬上族望表櫟社沈氏勾章山人明臣一望

族望表又云南湖沈文恭一貫亦自櫟社來然非句章之族  
南湖沈布政九疇同顯于神廟時然又爲一族薛千仞鄞獻  
表稱中林沈氏明代進士五人大學士一貫布政九疇布政  
一中主事鳳超檢討延嘉舉人三人中書應奇同知汝璋知  
州延祉俱稱中林沈氏又延嘉之從子光瑀崇禎壬午舉人  
以鄞獻表鄉榜止于庚午故不在內二表未審孰是

### 四明談助

### 卷三

三

同知汝璋係端憲公之後端憲居湖上竹洲其後人建第  
于皂莢廟前同知匾額尙在不知鄞獻表何以稱中林沈  
氏

### 沈嘉則先生明臣

先生起田間少負異才喜讀書尚大節慕謝太傅王猛之  
爲人補諸生數試于鄉不利崙以詩自豪文章疎宕可喜  
會東方用兵少保胡公宗憲開督府聞浙東有名士二人  
辟致幕下其一先生一山陰徐渭也少保豁達好士微有  
酒失善嫚罵先生嶽嶽不少阿少保亦雅憚先生遙望見  
爲離席少保行部七閩燕將士爛柯山上酒酣樂作請先  
生作饒歌十章坐上詩立成釃酒高歌至狹巷短兵相接



處殺人如艸不聞聲少保起捋其須曰何物沈郎雄快乃爾卽命刻石山上嘗從少保登大王峯置酒少保已被酒趨命健兒名歌伎至先生卽起曰吾輩興闌明公可以行矣少保爲強登車去其持正率如此及少保死請室中先生走哭墓下持所爲誄徧告士大夫頌其寃狀由是淪落湖海間益跌宕自放過太倉一通謁弇州高坐論詩直氣凌其上先生性喜衣緋常客吳中緋衣行道上傾吳市人聚觀旣而倦遊歸里門時張大司馬方主文盟最重先生歲時伏臘非先生至不驩而先生家諸從子姪一相國二方伯俱從先生受詩初起有盛名及司馬旣沒先生更爲蒼宿每持刺報客自稱老友一時山林失職之士單門高

才俱輻輳其門遂盡傾司馬客先生旣垂老尙思出門諸公共相慰留先生曰使吾有薄田百畝足自老矣奚好遊耶諸公俱曰諾請爲先生圖之因共出錢爲置善田百畝給朝夕先生遂得高臥豐對樓不出年近八十卒于家先生家在南村櫟社人稱爲櫟社長諸從尊爲句章公學者稱嘉則先生

皆舊傳

余嘗數求豐對樓遺文四百篇在其族人某家余友曾盡見之卽往求借鈔而某已持此本獻于當事竟失于兵火中惜哉惜哉先生在當時喜以文寵同輩及所傳叙先賢行事最詳今隆萬之際闕焉無徵俱先生遺文散失所致也至先生沒後百年中名賢高逸僅能購其詩存其名氏



而其生平大節絕無可攷徧詢諸故老所聞畧記一二蓋斯文之事壇壝久虛遂使世逾近而文獻逾失徵殊足歎也

傳後跋

沈嘉則先生晚好衣緋衣與二三曹偶踞坐長林之下或白日行遊市中市中譁爲緋衣公且至觀者如堵先生自若也嘗作緋衣四詩謂春郊則用以走馬東山則用以擁妓秋江則用以把釣高樓則用以對雪也

由拳集

沈嘉則陶一竈自隨日用二斤炭可供數客至晚不竭系以詩名之曰作竈王元美爲賦詩云那因增竈惱行窩杖底陽春信手過燕客知始燃桂易牛山寧假負薪多非時解熟熊蹯火不斷能翻蟹眼波爲問羣歌白石爛干湯爾意

四明談助

卷三

三

竟如何嘉則作竈乃金陵趙子實法也

舟州四部案

附里居題贈詩四首

送呂山人中父

與君同庚復同里四十五年才識爾相見翻憐在異鄉相親頓覺如兄弟君家脊令忘急難我家堂前紫荆死一言一哭一聲悲君淚如珠我如水卽今別我去何方自言只在乾坤裏乾坤茫茫海岳長那得扶搖大鵬起昔年嘗走齊魯間紫霞高冠白雲履兔園上客比鄒枚長揖侯王傲天子俠骨能令壯士香高懷可使狂生恥酒酣詞賦欲凌雲墨客騷人盡披靡歌聲振落太山雲夜半登顛脫雙屣醉擊秦王無字碑長嘯大呼呼曰你你是秦人爾汝稱媿



罵祖龍何有耳君乎豈是浪游人墮地何慚射弧矢豪傑  
生身天地間只合從天任驅使乃今落魄不逢時豈肯低  
眉窺指眦我今沽酒對君懽莫謂無能報知己

戲贈楊伯翼

誰家小兒楊德祖青天之鷗丹林虎氣猛翮健凌秋風膽  
雄力王不受撫騷壇忽樹五丈旗自喜少年能跋扈嗟我  
老大筆力衰尙然枝癢鼓餘怒酒酣登壇賦大言共說將  
軍老還武將軍號令選偏裨汝作先鋒領旗鼓鸚兮虎兮  
誰敢侮世上凡兒何足數君不見楊德祖

青溪

窈窕清溪盡日尋雨收風歇翠沉沉一雙燕子翻花出始

四明談助

卷五

五

覺人家住隔林

廢宅桃花

昔年池館似高唐猶有桃花滿壞牆夢裡春風渾不覺一  
枝無語弔殘陽

所有山人遊覽詩散見各名勝下

沈東霍

九疇

寄壽四十二從父

文章叔氏登壇早雄心未銷雙髯皓日月長懸短布寒山  
川自向衡門老衡門何處中散林芙蓉江邊綠雨深青棠  
孤館纔十尺高臺面面羅雲岑兒昔與父同出處骨肉相  
師亦相許大人落落營千秋小兒界界干一舉不然提攜  
起末行豈令當世徒張皇我思宏正之間迄今日紛紛諸



予誰升堂祇笑前人忘已拙作色相務開別轍可憐風雅  
直至今父起布衣光烈烈懷中挾得三千首都門賢達爭  
馳驟未許名山副本藏相如寧困臨印否

沈蛟門哭句章公

從此詩文失主盟海鷗飛去不留情可憐櫟社長橋月曾  
照詩翁散髮行

僧院魂飛寄客哀門前白馬幾人來江村生計萊妻給海  
內封書驥子開

內翰坊 曲轅坊

俱在櫟社一爲中書舍人沈應奇立一爲布政使沈九疇櫟

社里居立

聞志

四明談助

卷三

三

沈中書應奇

字天瑞永樂間父益代從父琦以閩右徙實京師天瑞七  
歲能書大字舉神童憲宗召試命書皇帝字天瑞俯伏奏  
曰書皇帝字乞賜一儿上奇之字復稱旨命授中書時閣  
臣萬安奏應奇年稚當使讀書不宜遽授官遂改送順天  
府學師楊守陳豐熙授易中正德己卯鄉試與修武宗實  
錄成授中書舍人歷六年將轉官會卒

聞志

沈布政九疇

字箕仲號東霍文恭公從弟萬歷丁丑進士歷官山東參  
政會平度饑奸民鼓煽幾大變箕仲單車赴之擒治渠魁  
境賴以定終于江西左布政使生產不踰中人子鳳超萬



歷癸丑進士授主事知海陽縣

詳聞志

沈太僕光文

字文開一字斯菴布政九疇之後以明經貢太學乙酉預于畫江之師授太常博士丙戌浮海至長垣再預琅江諸軍事晉工部郎中戊子閩師潰而北扈從不及聞粵中方舉事乃走肇慶遷太僕寺卿辛卯由潮陽航海至金門閩督李率泰方招來故國遺臣密遣使以書幣招之不赴將入泉州舟過團頭洋遇颶風飄至臺灣時臺灣尚為荷蘭所據公托足于此困極辛丑鄭成功克臺灣知公在大喜以客禮見不署其官未幾公以賦寓諷幾罹不測乃變服為僧入山教授生徒不足則濟以醬歎曰吾廿載飄零絕

四明談助

卷三

吳

島棄墳墓不顧者不過欲完髮以見先皇帝于地下而卒不克其命也夫辛卯大兵下臺彎諸遺臣皆物故公亦老矣閩督姚啓聖與公有舊將資遣回籍姚死竟不能歸諸羅令季麟光賢者也為令繼肉繼粟旬日一候門下時耆宿已少而寓公漸集乃相與結社所稱福臺新咏者也尋卒于諸羅葬于善化里東堡公居臺三十餘年海東文獻推為初祖所著花木雜紀并各詩賦今之志臺彎者皆取資焉公之後人遂居諸羅今聞其繁衍成族云

續耆舊傳

大學士一貫 尚寶泰鴻 馬湖泰泳 太常泰藩 石

阡延賞

傳俱見城中採蓮橋第

布政使一中

左諭德延嘉

傳見城中王家墩第



爐頭堰亦稱蘆頭堰

縣南十五里海防攷云永樂二年命太監鄭和統督樓船水軍十萬招諭海外諸番日本首先納款擒獻犯邊倭酋二十餘人卽治以彼國之法盡蒸殺之彼時銅甌猶存爐竈遺址在爐頭堰聞志近蔣家堰對江卽銅盆浦

沈蛟門泛舟蘆頭堰

此日吾仍健諸君一小舟清風天上去落日鏡中留艸色承裾綠荷香入座幽飛鳧散江白歸興滿蘆頭

行春磧

在縣南十五里又名南石磧唐王侯立烏金積瀆行春三磧澇則決暴流旱則納淡潮誠兩利之制也今則惟知洩流而

四明談助

卷三

三

不知納潮康熙乙巳寧郡旱崔侯維雅親至行春磧督民啓版納潮蓋旱方四十日內磧外之潮尙淡踰此則不可納矣是歲田禾有秋究心水利者當審詳焉聞志

萬季野竹枝詞

王令當年放木鷺身營三磧隔江河只今啓閉誰相問一任舟人偷聞過

詩註王令旣築它山堰猶慮水無所洩因製三木鷺隨水放之卽其止處建三磧外爲江內爲河分隔迄今享其利

寧郡都圖向有富戶輪當庄首凡本圖有磧堰水利關係俱爲之督率修理本爲美事後以浮屍逃犯并一切催糧除道等事亦累及庄首而富戶始爲之不平將莊首告脫



矣庄首脫而水利無人管矣失水荒旱不待言甚至前縣  
令周犢山以爲小民能盡力于地利不妨侵佔水利此弊  
一開河道公然佔出至今效尤者無算自南門外至甬水  
橋自風堦磳至沙港口兩處佔出者更甚

### 舟宿渡

縣南三里寶慶志名周蘓渡

嘉靖志

今名舟宿渡乾隆十九年

里人姚浩等創立義渡置田三十餘畝以爲渡夫工食及修  
船之費邑令宋鑒爲碑記并叙欵條田畝于左使後有考焉  
錢志大江南來至此轉東烏山脉直北至永寧橋渡河見南郭  
卷